

جريدہ عدلیہ

۲۵ جاذی الاخر ۱۳۲۸ یازار ۲۰ حیران ۱۳۲۶

نومرو ۱۵

برنجی سنہ

قسط سیم

توجہات عدلیہ

آیدین ولایتی استیناف جرحہ محکمہ سی رئیس عثمان بک وقوع وفاتہ بناءً منحل اولان مذکور ریاستہ خداوندکار ولایتی استیناف مدعی عمومیس صالح حامی افندینک ، آنک یرینہ جزائر بحر سفید ولایتی استیناف مدعی عمومیس سایان افندینک ، آنک یرینہ بیروت ولایتی استیناف مدعی عمومیس کیغورق فکری افندینک ، آنک یرینہ سیواس ولایتی مرکز بدایت محکمہ سی حقوق دائرہ سی رئیس حسن تحسین افندینک ، شو صورتہ انحلال ایدجک سیواس مرکز بدایت محکمہ سی حقوق دائرہ سی ریاستہ آطنہ ولایتی مرکز بدایت محکمہ سی حقوق دائرہ سی رئیس حسن فہمی افندینک ، طرابلس غرب ولایتی استیناف مدعی عمومیس نجیب افندینک محل مأموریتہ عزیمتہ تعلل ایتسنہ مبنی مستغنی عدیلہ یرینہ اشقودرہ ولایتی استیناف مدعی عمومیس عثمان توحید افندینک ، سوریه ولایتی مرکز بدایت محکمہ سی مدعی عمومیلکنہ کموشخانہ سنجانی بدایت محکمہ سی جزا دائرہ سی رئیس یونس محسن افندینک ، کموشخانہ بدایت محکمہ سی جزا دائرہ سی ریاستہ طاشلیجہ جزا رئیس سابق نافذ افندینک ، انحلال ایدن مرسین



بدایت محکمه سی جزا دائره سی ریاسته کوریجه بدایت محکمه سی جزا رئیس سابقی سعدالدین افندینک ، انحلال ایدن بازار کوی بدایت محکمه سی جزا دائره سی ریاسته اردو بدایت محکمه سی جزا ریاستندن مستغفی احمد فرید افندینک ، آچیق اولان لسقویک قضای بدایت محکمه سی جزا دائره سی ریاسته کویکی بدایت محکمه سی مدعی عمومی معاون سابقی عبدالقادر افندینک ، خیماړه قضای بدایت محکمه سی مدعی عمومی معاونلکنه پروزه سنجانی بدایت محکمه سی برنجی مستطقی عمر فوزی افندینک ، بغداد ولایتی مرکز بدایت محکمه سی اعضا لکنه ماردین بدایت محکمه سی باش کاتبی محمد عارف افندینک ، آچیق اولان لومه قضای مدعی عمومی معاونلکنه پرزین بدایت محکمه سی مستطقی نانسی یوسف ضیا افندینک ، نقل واتخابلرینه وآلا شهر قضای بدایت محکمه سی رئیس توفیق وقصه بدایت محکمه سی رئیس محمد نامق افندیلرک اجرا بجایش مأموریتلرینه اراده سنیه حضرت پادشاهی شرفعلی بیورلش ومومی الیم اساساً محاف بولمشدر .

تلیفات عظمیه

عدلیه نظارت جلیله سندن تسطیر بیوریلان ۱۱ مایس ۳۲۶ تاریخی تحریرات عمومی صورتیدر

« افراد عسکریه طرفلرندن حقوق شخصیه متدائر اعطا اولان مستدعیات اوزرینه مقتضیات قانونیه نک بلا افاته وقت حسن تطبیق واجراسیله اک عادی بر تکامل ومساحیه میدان ویرلامسی لزومه دائر »

افراد عسکریه طرفلرندن حقوق شخصیه متدائر اعطا اولان مستدعیاتک قسم اعظمی افراد مذکوردهک ملکتلرنده کی زوجه لرینه ویا محارمه اجرا ایدیلان تمذیات وتجاوزات عفتشکنانهیه متعلق اولوب بوکی تجاوزات وتعدیاته اجتر ایدن اشخاصک مستحق اولدقلری مجازات قانونیه نک تأخر تمین وتطبیق محضاً محافظه ملک ووطن مقصدیه تحت سلاحه جاب ودعوت ایدلش اولان افرادک قوه معنویه لرینی کسرواخلال وکندیلرینی ناموس عائله یی بالذات صیانت مقصدیه ملکتلرینه فراره اجبار ایدرک بو حال انتظام وانقیاد عسکریه سوءتأثیر حاصل اتمکده اولدیغندن بحث ایله اقتضای حالک ایفایی حریبه نظارت جلیله سندن باتذکره اشعار اولمقددر مواد مشتکها ماهیت اعتباریه اساساً مأمورین عدلیه نک وظائف مرتبه قانونیه لری ایجابجه لازم التعقیب مسائلدن اولدیغنی کی حراست وطن خدمت مبعه سیله مکلف اولان افراد عسکریه نک عمومیه شامل بولنان خدمات فدا کارانه لری ائناسنده تکمیل قانونی تحتده بولنان حقوق عمومی وشخصیه لرندن

طولانی کالیله امین اولملری وجوبنه کوره تعذیات واقعه متجاسرلری حقنده مأمورین عدلیه نک عهده سنه مرتب تعقیبات قانونیه نک ایجابات حمله متناسب ر صورتده تسریع استتاجیه افراد مومی الیمک ضمان قانونیه فعلاً جاب اطمینانلری اسابنک استکمالی اقدم وظائفندر بناء علیه کرک مواد مذکورده وکرک جمله اشعاردن اولدیغنی اوزره افراد عسکریه طرفلرندن اراخیلرینه وقوعبولان تجاوزاتک منعی حقنده اقامه اولوب الان انتاج ایدیلده مش دعاویده مقتضیات قانونیه نک مأمورین عانده سنجه بلا افاته وقت حسن تطبیق واجراسیله سلامت ملک ووطن اوغورنده استحقاق حیات ایدن قوه محترمه عسکریه مزدن ولو برفردک استراحت بالی اخلال ایدجک اک عادی بر تکامل ومساحیه میدان ویرماملری بالعموم مأمورین عدلیه نک حیت وطنیه لرندن مأمول ومتنظر در .

عدلیه نظارت جلیله سندن تسطیر بیوریلان ۳۰ مایس ۳۲۶ تاریخی تحریرات عمومی صورتیدر

« مخبرات تلغرافیه ذات مصاحتی افهام ایچون استعمالی ضروری هباراندن ماعدا کلمات زنده قولالناماسنه دائر »

تلغراف مخبراتنده عباراتک قصری وتلغرافنامه لک بالاسنده وعبارده اراسنده یاخود خاتمه سنده الفاظ وتعیرات زنده استعمال ایدنامسی لزومه منی امر مخبرده ذات مصلحتی افهام ایچون استعمالی ضروری عباراندن ماعدا کلمات زنده قولالناماسی خصوصنک مأمورین ملکیه به تعمیماً تبایغ ایدلیدی داخلیه نظارت جلیله سندن باتذکره بیلدیرلش اولمغله مأمورین عدلیه جده تلغراف مخبراتنده بی لزوم الفاظ وتعیرات استعمالندن صرف نظر اولنسی توصیه اولنور .

عدلیه نظارت جلیله سندن تسطیر بیوریلان ۱ حزیران ۲۲۶ تاریخی تحریرات عمومی صورتیدر

« اطنه ولایتی داخلنده کی عرفیه قضاسنک جیحان وارکی قضاسنه تابع دورک ناحیه سنک قضایه حین تبدیلنده حمیده نامیه توسیم ایدلش ایسه ده بو اسمده برچوق قضالر بولندیغندن نام قدیمی اولان دورک ناملریله توسیم اولدیغنه دائر »

ارکی قضاسنه تابع دورک نامیه معروف اولان ناحیه قضا حالنه بالافراغ حمیده توسیم اولنمش ایسه ده بواسمه برچوق قضالر بولنسی مخبرات ومراسلاتجه یاکلشلق وقوعنه وتأخراته بادی اولدیغندن قضاء مذکورک نام قدیمی اولان دورک واطنه ولایتی داخلنده کائن عرفیه قضاسنکده جیحان ناملریله توسیمنه بالاسیدان اراده سنیه حضرت خلافتناهی شرفصدور بیورلدیغنی اشعار سامی به بناء داخلیه نظارت جلیله سندن بیلدیرلش اولمغله بیان کیفیت اولنور .

عدليه نظارت جديده سندن اسطير بيوريلان ۱۱ ميس ۳۲۶ تاريخي تحريرات عموميه صورتيدر :

« جريدة عدليه مأمورين ومنسوبين عدليه نك تنوير افكار وتوسيع معلوماتلرینه خدمت مقصديه نشر ايدلمكده اولديغدن يالكز اشتراکيه اکتفا اولمايوب مدرجات رسميه وغير رسميه نك کمال دقله مطالعه سي لزومه دائر »

جريدة عدليه نك دواتجه تخصیصات اعطاسيله برطرز نوین منتظمه تکرار تاسیس اولنه رق مصارف طبعیه آنحق کفایت ایده بيله جک بر بدل ايله موقع انتشاره قولسندن مقصد محاکم تمیزیه نك قوانین ونظامات عدليه جه صورت تفسیر واجتهادی حکام ومأمورین عدليه جه معلوم اوله رق اعلامات تمیزیه نك ده تعیین واره اولنان اسباب نقضیه نك امثالی مقررانده تکرار ایده مامسی ایچون مأمورین متعاقبه نك انظار دقت وانتباهی جاب ایدلمک صورتيله بوتون محاکم معاملات ومقررانندن بر اطراد واستظام تأمیننه ومتخصصین ارباب حقوقک معاملات استنطاقیه واسباب نقضیه ومباحث مهمه سائریه دائر اولان مقالاتی ایلده مأمورین عدليه نك تزید معلومات وتنویر افکارینه خدمتدن عبارتدر . بو اعتبار ايله جريدة عدليه بالعموم حکام ومنسوبین عدليه وبالخاصه تشکیلات اخیره مناسبيله محاکم ریاست ومدعی عمومیلکریله اعضالق ومستنطقلکرینه تعیین واعزام قلنان وتجربه سزلک سائقه سيله بر قسم معاملاتده بعض آثار نقصان کوسترن مأمورین ایچون مهم بر رهبر اولق مزیتلی حائردر . بناءً علیه یالکیز آهونه قیدیه وعلی العاده اشتراکيه اکتفا اولمايوب بر قیمت علمیه نی محتوی اولان مدرجات رسميه وغير رسميه نك کمال دقله مطالعه سيله لزوم احتیاج کوردلکجه حسن تطبیقه صرف دقت واعتنا ایدلمسی وجوبنک بالجمله مأمورین عدليه جه صورت مخصوصه ده توصیه سی لازم کلیر .

محکمہ تمیزیه فراتی

محکمہ تمیزیه هیئت عمومیه سندن صادر اولان ۲۰ ميس ۳۲۶ تاريخي و ۲۶۶ نومرولی اعلام صورتيدر :

« تجارت شرکتلری علیهنده کی دعاوی نك مرجع رؤتی محاکم تجاریه اولدیغه بناءً حقوق محکمه سندن رؤی علیهنده کی دعوای رؤیت اتمی وظیفه سی خارجنده ایکن رؤیت وحکم اتمی مستلزم نقضدر »

رؤی اداره سيله آچه اباد قضاسنک دینار محله سنده ساکن حاجی عمر زاده حسن افندی ییننده متحدث

دعوايه دائر طر بزون استیناف محکمه سندن ۱۳ شباط ۳۲۵ تاريخي واوتوز بر عددی ايله ویریلوب مدت قانونیه سی طرفنده اداره مذکوره وکیلی طرفندن تمیز ایدیلان اعلامک تمیز حقوق دائره سنجه اثنای تدقیقنده هیئجه تساوی آرا وقوعنه مبنی اصول محاکمه حقوقیه قانوننک ایکوزالنجی ماده سی حکمنه توفیقاً کیفیت هیئت عمومیه یه تودیع ایدلمکله باش مدعی عمومیلک مأموریت علیهنده نك مطالعه نامه سی النقدن صکره طرفینک اعتراض وجواب لایحه لريله هیئت عمومیه جه بالمطالعہ تدقیقات تمیزیه اجراسنه ابتدار قلندی .

اعلام مذکورک خلاصه مدرجاتی مومی الیه حسن افندی نك بیك اوچوز اون طقوز ویکرمی ویکرمی برسنلرنده حصوله کتیردیکی توتون محصوله اداره مذکوره طرفندن دون فیات تقدیر وتکلیف ایدلمسندن ناشی اتضا ایدن تخنک تعیینیه فیات حقیقیسنک تقدیری حقنده آچه آباد بدایت محکمه سنده بالمراجعه اقامه ایدلکی دعوا اوزرینه جریان ایدن محاکمه وتدقیقات نتیجه سنده رؤی نظامنامه نك اونجی ماده سی موجبجه تعیین ایدیلان تخنک طرفندن تقدیر و طرفینجه قبول اولنان فیات موجبجه اداره مذکوره نك منازع فیه توتون محصولی مایعه واشترایه مجبوریتنه دائر ویریلان اعلامک عندالاستیناف فسخیه دعوا واقع نك وظیفه نقطه سندن ردینه دائر صادر اولان اعلام استینافک اسباب موجب قانونیه یه مبنی تمیزاً نقض واعاده قلنمسی اوزرینه محکمه استینافیه جه بتکرار جریان ایدن محاکمه وتدقیقات نتیجه سنده رؤی نظامنامه نك یکریمی اونجی ماده سی موجبجه ایکی سنه مرورنده رؤی اداره سی طرفندن مدعی یه اخبار کیفیت واون بش کون ده مهلت اعطا اولندقدن صکره محلی مجلس اداره سی جانبندن بر مأمور حاضر بولندیریله رق بالمزایده مذکور توتونلرک فروختی ایجاب ایدر ایکن رؤی اداره سی اشبو ماده نك حکمنه رعایت ایتماش وشیمدی ده مدت مذکوره نك مروريله اشبو معامله نك اجراسنه محل قالماش اولدیغدن طرفینک مجبوراً بر رخنن تعیین ایتملرینه واتخاب اولنه جق تخنک اتفاق ایده مدکلری تقدیرده طرفیندن براونجی تخنن تعیین ايله انک تقدیر ایده جکی فیات ايله رؤی اداره سندن مدعا به توتونلرک اشترایه مجبوریتنه واونجی تخنی انتخابده طرفین بینده اتفاق حاصل اولمادیغی تقدیرده تعلیماتنامه نك اونجی ماده سی موجبجه اعضای منتخبه داخل اولماق اوزره ارکان مأمورین محلیه دن بر قومیسون تشکیلیله قومیسونک تعیین ایده جکی اونجی تخنک تقدیر ایده جکی فیات نك طرفینجه قبول ایدلمسنه دائر ویریلان اعلامک دخی اثماتی طاب ایدیلان محصولاتک اهل وقوفه قیمتی تقدیر ایتدیریلرک تحقق ایده جک مقدارک اداره مذکوره دن تحصیلنه قرار ویرلماسنک مغایرت قانونیه سندن دولای تکرار نقض ایدلمسی واشبو قراره قارشو رؤی اداره سی طرفندن اعطا قلنان تصحیح قرار عرفخالنک دخی هیئت عمومیه جه رد اولنمسی اوزرینه بتکرار اجرا قلنان محاکمه تمیزک قرارینه امتثالاً طرفینک بر رخنن تعییننه دائر ویریلوب تفهیم اولنان قرار اوزرینه رؤی وکیلی تخنن تعییندن امتناع ايله محکمه دن چکلدیکنندن وکیل مسخر تعیینیه غیاباً جریان ایدن محاکمه وتدقیقاتدر رؤی تعلیماتنک اونجی ماده سی موجبجه محلی مجلس اداره سنده هیئت منتخبه داخل اولمادیغی حالده ارکان مأمورین محلیه دن تشکل ایدن قومیسونک

رژى اداره سى ايچون انتخاب ايلديكى نمن ايله مدعى طرفدن انتخاب اولسان نمنك اتفائيله تنظيم و محكمه توديع ايلديكى راپورده منازع فيه اوچيوز اون طقوز و بىكرى و بىكرى بر سنده لرى محمول اولوب رژى انبارنده و دپورده مدخر بولسان بىك يوز قرق درت دنكده قرق بش بىك التيوزايكى كيلو دخانك بهر عتيق بطمانى اعلا و اوسط و ادنا اولق اوزره اوچ قسمة تفريق اولهرق اوست اوسته يوز الى غروش دكرنده اولدينى بيلديرمسنة بناءً بر موجب راپور منازع فيه محصول عتيق قيه تحويل اولدقده بش بىك طقوز يوز بىكرى سكر بطمان بر يچق قيه اولوب بهر بطمانى بروجه محرر يوزالى غروشدن بالحساب بالغ اولدينى التيوز بىكرى سكر بىك اوچيوز طقسان درت بچق غروشدن يوزده اون بر يچق غروش عشر نظامدى اولان يتش ايكي بىك ايكيوز التمش سكر غروش اون بش پاره بالتزىل متباق بشيوز الى التى بىك يوز بىكرى التى غروش بش پاره نك رژى نظامنامه نك (۲۶) نجي ماده سنك فقره اخيره سى و تعليماتك اونجى ماده سى احكامنه توفيقاً اداره مذكوره دن بالتحصيلى مدعى حسن افندي به اعطاسنه و مدعينك فائض و اجراى موقت طلبنك ردينه و طقوز يوز غروش اجرت و كاتك اداره مذكوره دن بشقه به استيفاسنه و ضرر و زيان و مصارف سفره سنى آبروجه اقامه دعوا ده مختار اولمسنة حكمدن و مستدعى تميزك اشبو حكم عليهنده لايحه سنده محرر باشلوجه اعتراضى اول و اخر بدايه و استينافاً منازع فيه توتونلرك بالمازايده فروختى ايله نتيجه دعوايه قدر طرفينك متضرر اولماسى طلب ايدلمش ايكن محكمه به بوجهتكد ده مسكوت عنه براقلمسى و توتون محصولك تخمين قيمته متعلق خصوصاً رضى نظامنامه سنك بىكرى التىجى ماده سنك فقره اخيره سى حكمنه توفيقاً نمنلرك تعيين بدل ايللرى اقتضا ايدر ايكن بوجهتكد نظر اعتباره آلمقسزىن اجرا قلندان كشف و تنظيم ايديلان راپوره استناداً اعطاي حكم ايدلسى يولسز و مغاير قانون اولديغندن بجمله اعلامك نقضى و لايحه جوابيه مؤداسى دخی سرد اولنان اعتراضانك غير وارد اولدينى بيانيله ردی و موافق اصول و قانون اولان اعلام مذكورك تصديق استدعاسندن و مطالعه نامه مندرجاتى دخی لايحه تميزيده درميان اولنان اعتراضاتك وارد ايدوكى بيانندن عبارت بولمشد.

ايچاي مذاكره اولدقده اعلام مذكور مآلندن مستبان اولدينى اوزره خصوص مدعا بروجه محرر بالرؤيه اعلامه ربط ايدلمش ايسه ده اداره مذكوره انونيم حائنده تشكىل ايتش بر شركت تجاريه اولوب عليهنده كى دعوانك مرجع رؤيتى ذيل قانون تجارتك ۲۷ و ۲۸ نجي ماده لرى موجب به تجارت محكمه سى ايكن خلاف وظيفه محكمه به رؤيت و حكم اولمى يولسز و اصول و قانونه مغاير بولمى اولديغنه بناءً اصول محاكمه حقوقيه قانوننك ايكيوز قرق برنجى ماده سى موجب به اعلام مذكورك نقضيله قانون مذكورك ۲۴۳ نجي ماده سى حكمنه توفيقاً كيفيتك عائد اولدينى تجارت محكمه سنى حواله سنى و مقدمات مستدعى تميز رژى اداره سى نامه ربع خرج اولهرق اخذ اولنان ايكي بىك التيوز التمش درت بچق غروشدن اشبو اعلام خرجى اولان يوز غروشك اجراى محسوبيله اوست طرفك مراجعت وقوعنده مستدعى تميزه اعاده سنى

و ماعدا زيرده مرقم ايكي يوز الى طقوز غروش مصارف تميزيه نك ايلروده حق سز چيقه جق طرفه عائد اولسنة ۲۰ مایس سنه ۳۲۶ تاريخنده هيئت عموميه به اكثريتله قرار ويرلدى .

محكمة تميز هيئت عموميه سندن صادر اولان ۲۰ مایس سنه ۳۲۶ تاريخلى و ۸۶۱ نومرولى اعلام صورتيدر :

« صلاحيت دائر اولان مقرراتك ذات مسئله حقنده قرار قطعى لحوقدن اول قابليت استينافيه و تميزيه لرى بولنديغنه دائر »

در سعادت استيناف محكمه سى جنحه دائره سندن ايكنجى دفعه اولهرق تنظيم و اعطا و محكمه مذكوره مدعى عمومياى جانبندن مدت قانونيه سى طرفنده تميزاً تدقيقى طلب و استدعا قلنان ۲۰ مارت ۳۲۶ تاريخلى اعلام و اوران متفرع سى باش مدعى عمومياى مأموربت بهيه سنك تبليغنامه سيله محكمه تميزك هيئت عموميه سنده لى المطالعه اعلام مذكورك اصرارى متضمن اولدينى اتفائيله تحت قراره آلدقندن صكره تدقيقات لازمه اجرا سنى ابتدار قلندى .

اعلام مذكورك خلاصه مالى حسمون بن حسين و دامادى محمد اغالر ايله بيلرنده منعقد مقاوله موجب به بدلى سوت و يپاغى و يريلهرك تسويه اولق اوزره مرقومانه بيع و تسليم ايلديكى قيونلرى خود بخود اخذ و فروخت ايتك صورتيله مأمورين اجرايه عائد وظائفى ايفا ايتدكلى ادا اولنان سودجى و اسيل ايله شريكى قوچو حقلرنده كى دعوانك جهت حقوقيه سى اول امرده حقوق محكمه سنج به حل ايدلدكن صكره ايجابه باقلمسنة دائر بدايه و يريلان اعلام مرقومان حسمون و محمد اغالر جانبندن استيناف ايدلمش ايسه ده مسئله مستأخرمى متضمن اولان اعلام ابتدائينك قابل استيناف اولمادىنى بيانيله استيناف استدعاسنه سنك ردنى حاوى مقدما تنظيم و اعطا قلنان اعلام استينافينك اسباب قانونيه سى مبنى تميزاً نقض و اعاده قلمسى اوزرينه بوكره اجرا قلنان محاكمه و تدقيقات استينافيه نتيجه سنده حكم سابق استينافيه اصراره قرار ويرلديكى متضمندر .

لايحه تميزيده جرم و دعواى جزائيه نك اساسى مظنونلرك محكمه حقوقه مراجعت ايتيويده طراز قانونى خلافه رأساً استحصال حق ايللرى تشكيل ايتش و درجه اولى محكمه سنج به اول امرده محكمه حقوقده ايشك جهت حقوقيه سى حل ايدلدكن صكره ايجابه باقلمسنة قرار و يرلمش اولمسنة نظراً استحصال حقى ايچون قانوناً غير مجيز اولان و يا خود جهت حقوقيه سى جارى مرور زمان مدتى منتهاسنه دكين كيف ما مختار اقامه دعوا ده سر است بولنان برمدعى شخصينك حق اختيارى استعماله حقوق عموميه دعوا سى فدا ايدلمش اولهجنى تظاهر ايدى كنه و قرار مذكور اورته ده اولدقده و مدعى شخصى اوچ سنى طرفنده جهت حقوقيه سى مراجعت ايتدكجه حقوق عموميه دعواسنك مرور زمانله ساقط اولهجنى بدى اولمى جهتيه

قرار واقع مقررات قطعيه عددانده بولنه جنی بی اشتباه اولمغله برابر حد ذاتنده اصول محاکمه جه قابل استیناف اولوب اولمیان دعاوی جزائیة قباحت و جنحه نوعندن بولنوب بولنامسندن عبارت اوله رق نوع قراره نظراً قابلیت استینافیه نظره آلتامش و قرار ابتدائیک قابل استیناف مقرراندن معدود بولنش اولمسی اسبابنه بناءً قرار استینافی نقض ایدلیدی حاده اخیراً محکمه استینافیه جه قرار سابق منقوضده ثبات و اصرار اولمسی منایر قانون ایدوکندن بخله اعلام اخیر استینافینک دخی نقضی استدعا اولنش تبلیغنامه دخی اعلام ابتدائی مندرجاتندن مستبان اولدینی اوزره بر دعوی جزائیة نک اثنای رؤیتنده درمیان اوانه حق مسئله مستأخره دن دولای مهل اعطاسیه مرجعه سوق و جزا دعواسنک دخی بونک نتیجه سته تعایق موضوع بحث و تدقیق اولان دعوانک منقولاته متعلق اولامسلیله مشروط اولوب چونکه اموال منقولیه متدائر درمیان اولنه حق بوقیل بالجله مدافعاتک حل و تدقیق جزا محکمه لرینک وظائف قانونیه لری جمله سندن اولدینی و درجه اولی محکمه سنجه اتخاذ اولنان قرار ایسه حقوق عمومیه نک رؤیتنه مانع تشکیل ایتدیکی جهته قابلیت استینافیه سی درکار و صورت نقض دائره سنده اكمال معامله لزومی بدیدار اولمغله برابر اصول جزائیة قانوننک اوچیوز قرق آلتیجی ماده سندن آکلاشدینی اوزره اصرار حق صوگ درجده ویرلش مقرراته معطوف و منحصر اولمسیله وظیفه حقنده کی مقررات تمیزیه قارشو استیناف محکمه لرینک اساساً حق اصراری اولمیدنی حاده برمنوال محرر اصرار قراری ویرلمسی یولسز و قانونه مغایر و تمیز لایحه سی بو طریقله بجا اولدینی بیانیله اعلام اخیر مذکورک نقضی لزومی کوسترلمشدر .

ایجابی لدی المذاکره اصول محاکمات جزائیة قانوننک اوچیوز یکرمی ایکتیجی ماده سی صراحتی ایجابجه صلاحیته دائر اولان مقرراتک ذات مسئله حقنده قرار قطعی لحوقندن اول قابلیت استینافیه و تمیزیه سی درکار اولوب درجه اولی محکمه سنجه دعوی واقع نک جهت جزائیة به تعاق ایدن قسمنک عندالحاکمه موجودیتی آکلاشیلان مسئله مستأخره حقنده حکم لحوقنه تملیقاً تعقیباتنه دوام اوانه مایه جغی مبین ونوعاً صلاحیته متدائر ویریلان قرارک دخی شونقطه دن قابلیت استینافیه سی نظر دفته آلتقسزین ساف الییان استیناف استدعایه نک ردی جهته کیدیلهرک حق استینافک استعمالنه میدان ویرلمسی مغایر قانون اولدیغنه دائر اولان استدعا دائره سنک نقض سابق بجا و موافق قانون کورلدیکندن اصول محاکمات جزائیة قانوننک اوچیوز قرق آلتیجی ماده سی منطوقنجه اعلام اخیر استینافینک دخی اسباب مذکورده دائره سنده نقضیه احکام قانونیه به توفیقاً ایفای معامله اولمق اوزره اوراق متعلقه سنک محکمه مذکورده اعاده سته و ایکیوز غروش اعلام خر جنک تعرفه و تعلیمات مخصوصه سته توفیقاً ایلروده حقسز حقیقه حق طرفدن اخذینه ۲۰ مایس سنه ۳۲۶ تاریخنده اکثریتله قرار ویرلدی .

محکمه تمیز استدعا دائره سندن صادر اولان ۱۸ نیسان ۳۲۶ تاریخی و ۵۵۲ نومرولی اعلام صورتیدر :

« اثنای محاکمه ده موضوع بحث ایدلیان احوال و کیفیاتک اسباب موجب صره سنده ذکر و بیان اولمسی مستلزم نقضدر »

اطنه ولایتی استیناف محکمه سی جزا دائره سندن تنظیم واعطا قلنان ۱۵ کانون ثانی ۳۲۵ تاریخ و درتیوز اوتوز بش نومرولی اعلامک تمیزاً تدقیق طلبی حاوی محکمه مذکورده مدعی عمومیلکی جانبندن معطی استدعایه و اوراق متفرعه سی باش مدعی عمومیلک مأموریت بهیه سندن با تبلیغنامه محکمه تمیز استدعا دائره سته تودیعی اولنش ولدی التدقیق مذکور استدعایه نک مدت معینه قانونیه سی ظرفنده اعطا قلندینی آکلاشلش اولمغله بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی بر اراضی دعواسنک اثنای رؤیتنده حقوق محکمه سنده شهادت کاذبه ده بولندقلری اخبارات ایله ثابت اولان عرب مصطفی ایله عرب اوغلی احمدک قانون جزانک ایکیوز طقوزنجی ماده سی حکمنه توفیقاً التیشر ماه حبس لرینه دائر بدایه ویریلان اعلام مرقوماندن عرب مصطفی جانبندن استیناف ایدلمکله اولابده اجرا قلنان محاکمه و تدقیقات نتیجه سنده مستأنف مرقومک شهادتی اوزرینه اساس دعوی حقنده هنوز بر حکم و قرار لاحق اولمادینی تدقیق ایدیلان اوراق مألرندن منضم اولمسنه و کذب اوزرینه ادای شهادت ایدنلر حقنده جزا تعینی او شهادتک بر حکم و معامله به اساس اتخاذ ایدلمسی و بالتیجه مشهود علیک متضرر اولمسیله مشروط اولوب مستأنف مرقومک شهادتندن هیچ بر کسه نک متضرر اولامسنه نظراً شمیدین محکومیتی جهته کیدلمسنه مساع قانونی اولمادینی بیانیله اعلام مذکورک مستأنف مرقومه عائد قسمنک بالفسخ عدم مسؤولیتنه قرار ویرلدیکنی متضمندر .

لایحه تمیزیه ده محکمه استینافیه جه بر طرفدن بدایت اعلامنده تعداد اولنان احوال و دلائل ایله مرقوم عرب مصطفانک شهادت کاذبه ده بولندینی قبول و دیگر طرفدن ترتیب جزا ایچون شهادت کاذبه نک بر حکم و معامله به اساس اتخاذینی و مشهود علیک متضرر اولمسی مشروط عدا ایددرک حکم ابتدائینک فسخیه مرقومک عدم مسؤولیتنه قرار ویرلش ایسه ده مشهود علیک نتیجه حکمه انتظار ایتسی قانوناً بخش اولنان بر حقندن محرومیتی استلزام ایده چکی کی حضور محاکمه کذب تحقق ایدن شهادت مذکورده بنای حکم ایدلمش و ضرر وقوع بولامش دنیلهرک فاعلنه جزا تعین اولنامسی صراحت قانونیه به مخالف بولنش ایدوکندن بخله اعلام استینافینک نقضی استدعا اولنش تبلیغنامه ده دخی شهادت کاذبه جرمی ترکیب ایدن حال قصد اضرار ایله حقیقت حاکم خلافنه بیان مشهودات و معلومات ایتک قضیه سی اولوب مضمون عایه عرب مصطفانک قضای مذکور بدایت محکمه سی حقوق دائره سنده ایفا ایدلیدی شهادت بروجه محرر قصد اضرار ایله حقیقت حاکم تغییرینه اقتران ایتدیکی حاده شهادت کاذبه جرمی تشکیل ایده چکی بدیهی بولنش

ولايحة تميزه مندرجاتى بوعتبارله وارد وبجا كورنش اولدينى بيانيله اعلام مذكورك نقضى لى كوسترلشدر. ايجابى لى المذاكره مندرجات اعلامدن منقهم اولدينى اوزره محكمه استينافيه جه حقوق محكمه سنده يلان يره شهادت ايتديكى ادعا اولنان عرب مصطفىك تحيد جزاسنى متضمن اولان قرار ابتدائىك شهادت مذكوره اوزرينه بر حكم وقرار لاحق اولمادىنى واحوال مائلدهه جزا تعينى اوشهادتك بر حكم ومعامليه اساس اتخاذا اولمسيه مشروط بولندينى بيانيله بالفسخ مرقومك برائته قرار ويرايش ايسدهه شهادت كاذبه مسئله سنىك اجراى تدقيقاتى امرنده جهت حقوقيه جه جريان ايدن معاملات وتقيقات اوراتنىك محكمه عانده سندن كتوريله رك طرفين مواجهه سنده قرائت اولمغله برابر مندرجاتنىك عيناً ويا خلاصه ويريله جك اعلامه درجى مقتضى بولندينى حالده عندالاستيناف بولزومه رعايت اولماشن وبنايرين اثنائى محاكمده موضوع بحث ايدلمان احوال وكيفياتك اسباب موجب صره سنده ذكر ويان اولمسي يولسز ومستلزم نقض اولوب لايحه تميزه محتوياتى تبليغنامه ده دى مرقم اولدينى وجهله بوضورتله وارد وبجا كورنش ايدوكندن اصول محاكمات جزائيه قانونىك اوچيوز اون دردنچى واوچيوز اون طقوزنجى ماده لرى منظوقجه اعلام استينافىك نقضيله احكام قانونيه دائره سنده ايفائى معامله اولمق اوزره اوراق متعلقه سنىك محكمه مذكوره اعاده سنى وايكسوز غروش اعلام خرجك تعرفه وتعليمات مخصوصه سى موجبجه ايلوده حقسز چيقه جق طرفدن استيفاسنه ۱۸ نيسان ۳۲۶ تاريخده متفقاً قرار ويرلدى .

محكمه تميز استندا دائره سندن صادر اولان ۱۳ نيسان ۳۲۶ تاريخلى ۴۴۵۵ نومرولى اعلام صورتيدر .

« مدعى شخصيلر يالكىز حقوق شخصيه لربى تعقيب حق قانونلرى اولوب برائت قرارلرىك نقضى طلبه صلاحيتدار اولمادىلرله ودرجه ثابتهه موقع تدقيقه قونايامان حق شخصيدن دولاتى تدقيقات تميزه اجرا سنى مساع قانونى اولمادىغه دائر »

عثمانىشر لوشيد غزته سى مدير مسولى محمود ناجى بك طرفدن كوندريلان ورقه تصحيحيه غزته سنى درج اتمه ديكى ادعا اولنان لاتركى غزته سى مدير مسولى بانيست بارونيان افندين مطبوعات نظامنامه سنىك يكرمى برنجى ماده سنىه توفيقاً بش التون جزاى نقدى اخذينه ومدعى شخصىك مقدار معين بيانيله تضميناته دائر عن محاكمة بركونا دعوا سى مسبوق اولمادىغندن بوجهت حقنده برشى دينلمكه محل اولمادىغه دائر بدياهه ويريلان اعلامك عندالاستيناف فسخيله محكوم مومى اليك برائتى متضمن درساعات استيناف محكمه سى جنجه دائره سندن تنظيم واعطا قلنان ۷ مارت ۳۲۶ تاريخلى اعلامك تميزاً تدقيق طابى حاوى مومى اليه ناجى بك جانبندن معطى استدعائيه واوراق متفرعه سى باش مدعى عمومىك مأموريت بهيه سندن بانبليغنامه ۷ نيسان سنى ۳۲۶ تاريخده محكمه تميز استندا دائره سنىه توديع اولمغله لى التدقيق مستدعى مومى اليك

لايحه سنده مرقم اعتراضاتى ايكى جهته متدائر اولوب بولنردن برنجيسى مظنون بانيست بارونيان افنديك حقوق عموميه نقطه سندن برائته متدائر بولنان قرار استينافىك مغايرت قانونيه سى حقنده وايكسجيسى دى بديت محكمه سنىجه حقوق شخصيه سى جمله سندن بولنان تضمينات مسئله سنىك تحت حكمه التمايى كى استنافاً دى بوجهتك مسكوت عنه براقدينى يولنده اولوب اصول محاكمات جزائيه قانونىك اوچيوز اون طقوزنجى ماده سى احكامنجه مدعى شخصيلر يالكىز حقوق شخصيه لربى دولاتى حق تميزه مالك اولملىر حسيله مستدعى مومى اليك حقوق عموميه جهتندن سالف اليان برائت قرارىك نقضى طلب وادعايه صلاحيتى اولمادىنى كى تضمينات حقنده كى ادعا سى اوزرينه برشى دنيله ميه جكنه دائر بدياهه لاحق اولان قرارى استيناف اتمه ش اولسندن ناشى محكمه استينافيه جهده اشبو تضميناته تعلق ايدن قرار ابتدائى مذكوره تعرض ايديله مومى طبيعى وبوسيدن دولاتى درجه ثابتهه موقع تدقيقه قونيله ميان حق شخصيدن دولاتى تدقيقات تميزه اجرا سنىه مساع قانونى اولمدينى بديسى بولنديغندن مومى اليك اولمادى كى تميز استدعائيه سنىك اسباب محرره دن ناشى ردينه وتميز جزاى نقديسى اوله رق تسليم وزنه ايدنش اولان بش ايرانك ايراد قيديله برابر بوزغروش اعلام خرجك تعرفه وتعليمات مخصوصه سنىه توفيقاً مستدعى مومى اليه ناجى بكدن استيفاسنه ۱۳ نيسان ۳۲۶ تاريخده متفقاً قرار ويرلدى .

محكمه تميز استندا دائره سندن صادر اولان ۱۷ نيسان ۳۲۶ تاريخلى ۵۵۱۶ نومرولى اعلام صورتيدر :

« تبليغنامه دعوتيه ورقه سنى تبليغ ايدن شخصك امضاسى التمى وياخود امتناع ايتديكى تقدبرده صورت حالك زيور ورقه به ترقيميله برابر ايجاب ايدنلره دى تصديق ايتديراسى مقتضيات قانونيه دن ايكى بويولده معامله ايدلامسى نقض حكى مستلزمدر »

بغداد ولايتى مركز بديت محكمه سى جزا دائره سندن تنظيم واعطا ۲۶ كانون ثانى ۳۲۵ تاريخده امر تقهيمى اجرا قلنان ۴ شباط ۳۲۵ تاريخ وطقوز يوز الى ىدى نومرولى اعلامك تميزاً تدقيق طابى حاوى محمد شاكر افندى بن حمادى جانبندن معطى استدعائيه واوراق متفرعه سى باش مدعى عمومىك مأموريت بهيه سندن بانبليغنامه محكمه تميز استندا دائره سنىه توديع اولموش ولدى التدقيق مذكور استدعائيه سنىك مدعى طرفنده اعطا وشرايط لازمه سائر سنىك دى ايفا قلندينى اكلا شلش ايدوكندن بالقبول تدقيقات تميزه اجرا سنىه ابتدار قلندى .

اعلام مذكورك خلاصه مالى تنبيهاتيه مخالف اوله رق سلاح اتدينى ادعا سيله مظنون عليه اولان مستدعى شاكر افنديك قانون جزانك ۲۵۴ نجى ماده سى حكمنه توفيقاً بر بشلك جزاى نقدى ايله محكوميتنه دائر غيابة لاحق اولان حكم ابتدائى عليهنده اعطا قلنان اعتراض على الحكم استدعا سى اوزرينه جريان ايدن تدقيقات

نتیجه سنده اولباده کی جلبنامه معترض مومی الیه شا کر افندی نك اقامتگاهنده بولنان پدری حمادهیه مختاری حضورنده تبایغ قانديني مباشر طرفدن جلبنامه نك نسخه نانيه سی زیرینه شرح ویریلرک امضا ایدلمش و مختار مهر یلدهده مختوم بولنش اولدینی حالدہ مظنون مذکورک دعوت واقعیه اجابت ایتدیکندن بحثله سالف الذکر اعتراض استدعاسنک ردینه قرار ویرلديکني متضمندر .

لایحه تمیزیهده کندوسی مرابعه محله سنده مقیم اولدینی اولباده کی اعلام غیاییده دخی محرر بولنش ایکن اعتراض علی الحکم اوزرینه یازیلان جلب مذکره سی یدی بکره محله سی سا کنلرندن ایوم طشردهده سلاح انداز اشجی شا کرینک اقامتگاهنده بولنان پدری حمادی نام شخصه تبایغ ایتدیرلمش و کندوسی ایسه او هنکامده اقامتگاهندن ابرامش اولدینی کبی پدری دخی بوندن بش سنه اول وفات ایلدیکی جلهجه وبالخاصه قیدرسی ایلہ متحقق بولنش اولدینی حالدہ سهوه مبتی اولان تبلیغات واقعیه استناداً رد استدعایه قرار ویرایی مخالف قانون ایدوکندن بحثله ذکر اولنان اعلامک تقضی استدعا قلنديني کبی تبایغنامهده دخی لایحه تمیزیهده تبایغات واقعہ حقنده درمیان اولنان اعتراض بجا ایدوکی بیانیله مارالذکر اعلامک تقضی لزومی مرقم بولنشدر .

ایجابی لدی المذاکره تمیز استدعاسنده بولنان مظنون شا کر افندی بدایه ویریلان اعلام غیابی علیهنده اعطا ایلدیکی اعتراض علی الحکم عرضالانک یوم محاکمه سندن خبردار ایدلمکسزین دعوت واقعیه عدم اجابتندن بحثله ردینه قرار ویرلمسنگ مغایرت قانونیه سنه دائر سرد اعتراض ایتش ویوم محاکمینی ناطق مرقوم نامه ترقیم واملان ورقه دعوتیه نك اوراق میاننده موجود نسخه نانيه سی زیرینه تبایغه مأمور مباشر طرفدن یازیلان درکنارده مذکور نسخه نك معترض مرقومک اقامتگاهنده بولنان پدرینه تبایغ ایلدیکی کوستریلرک تبلیغ ایدن شخص مرقومک امضاسی النديني کبی امتناعی وقوعنده مباشر طرفدن صورت حالک زیر ورقیه ترقیمیه برابر ایجاب ایدلره دخی تصدیق ایتدیرایی لزوم قانونیه قارشی شویولده برنامله اجرا اولنامسی اعتباریلدهده تبلیغ واتعک مدار معامله اوله مایه جنی درکار بولنش ایکن محکمه بدایجه مذکور نسخه نك مختار و مباشر طرفدن تختم ایدلمش اولسی دولایسیله تبلیغات واقعیه نك معتبر وقانونه موافق عدیلہ ورقه مذکوریه استناداً سالف الیيان اعتراض عرضالانک دعوتیه عدم اجابت نقطه سندن رد ایدلمسی یولسز ومغایر اصول وقانون اولوب لایحه تمیزیه محتویاتی تبایغنامهده دخی مرقم اولدینی اوزره بووجهله وارد وبجا کورلمش ایدوکندن اصول محاکمات جزائیه قانوننک اوچیوز اون دردنجی و اوچیوز اون طقوزنجی ماده سی منظوقیجه قرار مذکور اعلامنک سبب مذکوردن دولای تقضیه احکام قانونیه دائره سنده ایفای معامله اولمق اوزره اوراق متعلقه سنک محکمه محلیهیه وتمیز جزای تقدیسی اوله رق وزنهیه تودیع ایدلمش اولان ایکی یچق لیرانک دخی اصول مذکورک اوچیوز قرق اوچنجی ماده سنه توفیقاً مستدعییه اعاده سنه وایکیوز غروش اعلام خرجنک تعرفه وتلیمات مخصوصه سنه توفیقاً ایلروده حقسز حقیقه جق طرفدن استیفاسنه ۱۷ نیسان ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۱۷ نیسان ۳۲۶ تاریخلی و ۵۵۳ نومرولی اعلام صورتیدر :

« شاهدلرک جلبی قابل اوله مدینی حالدہ استنباهه طریقله معلوما تیرینه مراجعت ایدلمک ممکن ایکن بووجهله معامله اولنامسی نقض حکمی مستلزمدر »

بیروت ولایتی استیناف محکمه سی جزا دائره سندن تنظیم واعطا و ۱۴ کانون ثانی ۳۲۵ تاریخنده امر تقهیمی اجرا قلنش اولان ۱۶ کانون ثانی ۲۲۵ تاریخ و (۲۹۰) نومرولی اعلامک تمیزاً تدقیقی طلبی حاوی علی بن محمد الابيض جانبندن معطی استدعایه اوراق متفرعه سیله برلکده باش مدعی عمومیک مأموربت بهیه سندن باتبایغنامه ۱۲ نیسان ۳۲۶ تاریخنده محکمه تمیز استدعا دائره سنه تودیع ایدلمکله ولدی التدقیق مذکور استدعایه نك مدت معینه سی طرفنده اعطا وشرايط لازمه سائرهنک دخی ایفا قانديني اکلانشله بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی یکدیگری ضرب ایلدکاری ادعاسیله مظنون علیهما اولان مستدعی مرقوم علی بن محمد الابيض ایلہ ذکی بن یسین الشریحینک جریان ایدن محاکمه لری نتیجه سنه قانون جزانک یوزیمش طقوزنجی ماده سی حکمنه توفیقاً مرقوماندن علینک ایکی هفته و ذکینک دخی سکز کون حبس لرینه دائر لاحق اولان حکم ابتدائی اعلامی و مرقوماندن علی جانبندن استیناف ایدلمسی اوزرینه سبق ایدن محاکمه وتدقیقات استینافیه نتیجه سنده اعلام ابتدائینک فسخی حقنده درمیان اولنان ادعا ومدافعانک ردیلہ وموافق اصول وقانون اولدینی بیانیله تصدیقه قرار ویرلديکني متضمندر .

لایحه تمیزیهده محکمه جله شاهدلردن انطون مقصودک استعائه قرار ویرلمشیکن اخیراً افاده مضبوطه سنک قرائتیه اکتفا ایدلمش اولدینی کبی تعیین شخص ایدمه مش بولنديني حالدہ مرقومک جلب ومواجهه استماع ایدلمکسزین افاده مجرد سنه واولباده کی طیب راپورینه استناداً محکومیهته قرار ویرایی یولسز ومغایر قانون ایدوکندن بحثله اعلام مذکورک تقضی استدعا ایلدیکی کبی تبایغنامهده دخی لایحه تمیزیهده مندرج اعتراضات مندرجات اعلامه نظراً غیر وارد ایسهده شاهد انطون مقصودک مسافره شامه کیتدیکی نامه محرر جلبنامهده مباشر طرفدن یازیلان شرحده بیان وتذکار قلنش وشاهدلرک مواجهه خصمه استماعلری قانوناً مقتضی وبلاستنباهه بولنديني محل محکمه سنده استماعی ممکن بولنش ایکن درجه اولی محکمه سنه مرقومک جلبی متع اولدینی بیانیله قرائت ایدلریلان افاده غیر مخالفه سنه بنای حکم اولنش اولسی فسخ واصلاحی مستلزم اسبابدن بولنديني حالدہ عندالاستیناف بوجهتک نظر دفته النیهرق حکم مزبورک تصدیق ایدلمش اولسندن دولای درمیان اولنان اعتراض وارد وبجا کورندیکی بیانیله اعلام استینافی مذکورک تقضی لزومی مرقم بولنشدر .

ایجابی لدی المذاکره مندرجات اعلامدن منفهم اولدینی اوزره درجه اولی محکمه سنه مظنون علینک

جریان ایدن محاکمه‌سند استماع اولنان شاهد ارسال افندی عدم معلومات بیان ایش و معاینه راپورینک فاعل جرمی تعیین امرنده بر مزیت قانونیهی حائر اولماسی اعتباریه دلائل سائر منضم اولمادیقه اسباب ثبوتیه دن معدود اوله میه جفی درکار بولنش اولمسنه نظراً مظنون مرقوم حقنسه کی حکم ابتدائی ضابطه دائره‌سنجه بلا تحلیف افاده‌سنه مراجعت اولنان انطون نام کسنه‌ک اخبارینه منحصر بولندینی و شاهد مرقومک شامده بولمسندن دولایی محکمه یه جلبی قابل اوله مادیقی صورته کوره استنباه طریقیه معلوماته مراجعت ایدلمک امکان قانونیسنک موجودیتنه قارشی شوصورته توقیف معامله اولنماسی جمله اسباب فسخیه دن اولدینی حالدہ عندالاستیناف بورالری نظر دفته التمسین حکم ابتدائی مذکورک اصول و قانونه موافقتدن بحثله تصدیقی جهته کیدلمش تبلیغ‌سامده دهخی مرقم اولدینی وجهله یولسز و مغایر اصول و قانون اولوب شوصورتی مین اولان لایحه تمیزیه محتویاتی وارد و بجا کورنش ایدوکندن اصول محاکمات جزائییه قانونک (۳۱۴) نجی و (۳۱۹) نجی ماده‌لری منظوقنجه مذکور اعلام استینافینک بوندن دولایی نقضیه احکام قانونیه دائر سنده ایفای معامله اولنق اوزره اوراق متعلقه‌سنک محکمه محلیه یه اعاده‌سنه و ایکویوز غروش اعلام خرجنک تعرفه و تعلیمات مخصوصه‌سنه توفیقاً ایلروده حقسز حقیقه جق طرفدن استیفاسنه ۱۷ نیسان ۳۲۶ تاریخنده متفقاً قرار ویرلدی .

محکمه تمیز استدعا دائره‌سندن صادر اولان ۱۲ نیسان ۳۲۶ تاریخلی و ۴۲۶ نومرولی اعلام صورتیدر

« انحق تشکیل طرفینه اصولی دائره‌سندہ اتخاذ اولنان مقرراتک تمیز ایدیله‌بیلہ
جکته دائر »

متوفیه برادری پیرسنانک متروکاتندن بر مقدارینی کتم و اخفا ایدیلکی ادعا اولنان جبرائیل سنانک حبس و تضمینات ایله محکومیتنه دائر بدایه و بریلان اعلامک تصدیقی حاوی صادر اولان اعلام استینافی علیهنده اعطا قلنان تمیز استدعانا‌مه‌سنک نقصان شرائطدن دولایی رد ایدیلهرک اعلام مذکورک کسب قطعیت ایش اولمغله حقوق شخصیه جهتندن اعاده محاکمه طلبنی حاوی مرقوم جبرائیل طرفندن ویریلان عرفحال اوزرینه مرقومک اصول محاکمات جزائییه قانونک اوچیوز النجی ماده‌سی موجبنجه طرق قانونیه یه توسل ایشی لزومه و بناءً علیه اعاده محاکمه حقنسه محکمه تمیزدن برقرار صدور ایتکسزین رؤیت دعوی محکمه‌ک صلاحیتی خارجنده بولندیغنه دائر ایدن ولایتی استینافی محکمه‌سی جزا دائره‌سندن ۱۳ مارت ۳۲۶ تاریخنده اعطا قلوب عرفحال مذکور ظہرنده مرقم قرارک تمیزاً تدقیقی طلبنی حاوی مرقوم جبرائیل سنان جانبندن معطی استدعانا‌مه و متفرعاتی باش مدعی عمومیک مأموریت بهیه‌سندن بتبلیغ‌نامه ۱۱ نیسان ۳۲۶ تاریخنده محکمه تمیز استدعا دائره‌سنه تودیع اولنقله لدی التدقیق تمیزاً تدقیق طلب اولنان مذکور قرار تشکیل

طرفین ایله اصولی دائره‌سندہ اتخاذ ایدلمش مقررات قانونیه جمله‌سندن اولمایوب درکناردن عبارت بولنش اولدیغندن قابلیت تمیزیهی حائر اولیان مذکور درکنار علیهنده معطی سالف الذکر تمیز استدعانا‌مه‌سنک بوسیدن دولایی ردینه و تمیز جزای نقدیسی اوله‌رق تسلیم وزنه ایدلمش اولان ایکی بچق ایرانک ایراد قیدیه برابر یوز غروش اعلام خرجنک تعرفه و تعلیمات مخصوصه‌سی موجبنجه مستدعی تمیز جبرائیل سناندن استیفاسنه ۱۲ نیسان ۳۲۶ تاریخنده متفقاً قرار ویرلدی .

محکمه تمیز حقوق دائره‌سندن صادر اولان ۲۷ مارت ۳۲۶ تاریخلی و ۷۲ نومرولی اعلام صورتیدر .

« حضور حا کندن بشقه بر عمده وقوع بولندینی ادعا اولنان اقرارک اقامه شہود

ایله اثباتی مسموع اوله میه جفته دائر »

طاشلیجه سنجاغنک صوچیجه قریه‌سی سکنه‌سندن علی و برادری حسن ایله طاشلیجه‌ک حاجی حسین بک محله‌سندہ مقیم راشد میانه‌سندہ متکون دعوا یه دائر لواء مزبور بدایت محکمه‌سی حقوق قسمندن ۲۴ تشرین ثانی ۳۲۵ تاریخلی و یوز یتش طقوز عددی ایله ویریلان اعلام مرقومان علی و حسن طرفلرندن تمیز ایدلمش اولمغله طرفینک اعتراض و جواب لایحه‌لریله بالمطالعہ تدقیقات تمیزیه اجراسنه ابتدار اولندی .

اشبواعلامک خلاصه مندرجاتی مرقوم راشد آغانک مرقومان علی و حسن ذمتلرنده نقد آقچه و دکان اشیایی بهاسیله ذخائر و کیاه و ساده یاغ اثمانندن غیراز استیفا اوچ بیک سکسز یوز التمش یدی غروش مطلوبی اولدیغندن بحثله مبلغ مذکورک تحصیلی طاب و دعوی و مدعی علیهمادن علینک مدعا بیک یوز غروشنی اقرارله زیاده‌سنی و حسنک دخی کلایسینی انکار دینه مقارن شہود شخصیه ایله اثبات مدعا ایدہ جکینی افاده و ادعایله طرفندن اقامه اولنان شہود استماع اولنقدنصرکه جریان ایدن محاکمه و تدقیقات نتیجه‌سندہ مدعی مرقومک مدعی علیه مرقومان ذمتلرنده خصوصات مذکورده دن دولایی غیراز استیفا مبلغ مدعا به مطلوبی اولدینی رؤیت محاسبه اوزرینه مدعی علیهمانک مدعی به اوچ بیک سکسز یوز التمش یدی غروش دینلری قالدیغنه دائر شہود مستمعنک وقوعبولان شهادتیه ثابت اولمسنه مبنی مدعی علیه مرقومانک بالجله انکار و مدافعانک ردیه مجله‌ک بیک سکسز یوز اون سکسزنجی ماده‌سی موجبنجه مدعا به اوچ بیک سکسز یوز التمش یدی غروشک مدعی علیه مرقوماندن بالتحصیل مدعی مرقومه اعطاسنه حکمیدن واشبو حکم علیهنده مستدعی تمیز مزبورانک لایحه‌لرنده مندرج اعتراضاتنک باشلوجه‌سی شہود مستمعنک کذب اولدقلرینه دائر انشای محاکمه‌ده سرد ایدلکاری مدافعانک نظر دفته التماسی مغایر قانون اولدیغندن و افادات سائرده بحثله اعلام مذکورک نقضی استدعاسندن و لایحه جوابیه مالی اعتراض مذکور غیر وارد بولندیغندن ردی و موافق اصول و قانون اولان اعلام مذکورک تصدیقی طلبندن عبارتدر .

ایجابی مذاکره اولندقدہ اعلام مذکور مآلندن منفہم اولدینی اوزره محکمہ مذکورہ جہ ہر نہ قدر طرفین میانہ سندنہ حساب کوریلہ رک نتیجہ سندنہ اوچ بیک سکیز یوز آلتش اوچ غروش آله جق تحقق ایستدیکنہ دائر اولان شہادتہ بناء بر وجه محرر حکم اولنش ایسہدہ رؤت حساب بیع واجارہ واستقراض کچی دینک ذمت مدیونہ ترتی اقتضا ایستدیرن معاملاتدن اولمادیجی جہتلہ شہودک وجه مشروح اوزرینہ شہادتلری سبب دین اولمادیغہ کورہ رؤت محاسبہدن شہود مرقومہ نک دینہ وقوفلری غیر ممکن اولغہ مقدار دینہ لحوق علملری نتیجہ محاسبہدہ مدیون طرفندن اقرار دین ایدلمش اولسنہ منی اولہ جغہ وشوخالہ شہادات واقعہ اقرار اوزرینہ وارد ایدوکنہ نظراً اصول محاکمہ حقوقیہ قانوننک ۶۹ نجی مادہ سی موجبہ شایان قبول دکل ایکن بالقبول اکا بناء بر منوال محرر اعطای حکم اولنش یولسز و اصول وقانونہ مغایر بولنش اولدیغندن قانون مذکورک ایکی یوز اوتوز ایکنجی وایکی یوز قرق دردننجی مادہ لری موجبہدہ کیفیک یکیدن اعلامہ رابطی ضمنتہ محکمہ مذکورہ اعادہ سنے وزیردہ مفرداتی مرقم درت یوز اوتوز سکیز یچ غروش مصارف تمیزینک ایلرودہ حقسز حقیقہ جق طرفہ عائد اولسنہ ۲۷ مارت ۳۲۶ تاریخندہ متفقاً قرار ویرلدی .

محکمہ تمیز حقوق دائرہ سندن صادر اولان ۲۴ نیسان ۳۲۶ تاریخلی و ۲۷۹ نومرولی اعلام صورتیدر :

« قرض ایجاب وقبول ایله منعقد وقض ایله تمام اولہ جغندن مقرض مجرد ایجاب وقبول ایله مقررضی تسلیمہ جبر اولنہ میہ جغہ ور دعوانک ثبوتی تقدیردہ مدعی عایہک بر شی ایله محکوم وملزم اولسی شرط ایدوکنہ منی قرضاً ویریلہ جکی وعد اولنان مبلغک تعصبلی طلبندن عبارت اولان دعوانک استماع اولنامسی لازم کلورکن استماعیہ حکم اولنشی مستلزم نقضدر »

طاشایجہ سنجاغنک حاجی زکریا محلہ سندنہ مقیمان سیف الدین بن سلمانویک ابراہیم ایله سلمانویک محمد بک کریمہ سی نوریہ خانم میانہ سندنہ متکون دعواہ دائر لواء مذکور بدایت محکمہ سی حقوق قسمندن ۶ اغستوس ۳۲۵ تاریخلی و یوز یکرمی طقوز عددی ایله ویریلان اعلام مومی ایله سیف الدین بک طرفندن مدت قانونیہ سی ظرفندہ تمیز ایدلمش اولقلہ طرفینک اعتراض وجواب لایحہ لریلہ بالمطالعہ تدقیقات تمیزہ اجرا سنے ابتدار اولندی .

مذکور اعلامک خلاصہ مندرجاتی مزبورہ نوریہ نک بش حصہ سنے متصرفہ اولدینی طاشایجہ قصبہ سیلہ ایزوبزین قریہ سندنہ کائن معلوم الحدود اراضی واملاکنی مومی ایله سیفی بک سکسان عدد عثمانلی لیراسی بدل مقابلندہ و بیع بالوفا طریقہ ترہین ایتش اولدیغندن بدل رهن مذکوردن غیراز استیفا الہجنی اولان ایتش

سکیز یچ عدد عثمانلی آلتوننک تحصیلنی طاب ودعوی ومدعی علیہک املاک وارضی مذکورہ سی مبلغ مدعاہ مقابلندہ مزبورہ دن ارتہان ایلدیکنی اقرار ومبلغ مذکور اثنای تقریردہ مدعیہ مزبورہ یه ویرمش ایسہدہ مزبورہ برادریلہ سائرہ طرفندن یدندن آلتسی ملاحظہ سیلہ کندوسنہ اعادہ ایلدیکنی وبوکا مقابل قرق عثمانلی لیراسی قدر تسلیاتی اولدیغندن بختلہ مدعیہ مزبورہ ایله حساب کورہ جکی افادہ وانبا ایللری ولاجل المحاکمہ معین کوندہ مدعی علیہ مومی الیہک دعوتہ اجابت ایتامسی اوزرینہ یرینہ تعیین قلنان وکیل مسخر حضوریلہ جریان ایدن محاکمہ وتدقیقات غیایہ نتیجہ سندنہ مدعی علیہک درمیان ایتش اولدینی تسلیات حقندہ آروجه اقامہ دعواہ مختار اوقاق اوزره اقراریلہ الزامہ واشبو بورجی اقرار ایتش وبدل رهن اولان سکسان عدد لیرای عثمانی دفعہ تأدیہ ایتامسی حسابیلہ مدعیہ مزبورہ نک رهن مذکور حقندہ قومیسین مخصوص حضورندہ کی اقرارندہ کاذب بولندیغندن بختلہ فک رهنہ دائر اخیراً واقع اولان طلبنہ قارشو اساس مادہ رهندن متولد الاجق دعواسندن عبارت اولسنہ نظراً بر شی دینلہ مامسنہ ومدعی علیہک سالف الذکر تسلیات ادعاسنی عندالاعتراض اثبات ایلسنہ تعلیقاً مجلہ نک (۱۸۱۷) نجی مادہ سی موجبہ مدعاہ یتش سکیز یچ عدد لیرای عثمانینک کندوسندن تحصیلنہ حکمدن واشبو حکم علیہندہ مستدعی تمیزک لایحہ سندنہ مندرج اعتراضاتک باشلو جہ سی یرینہ تبیین اولنان وکیل مسخرک دعوی وکیللرندن برینک انتخابی لازم کلور ایکن اشبو وظیفہ نک محکمہ قلمی ملازملرندن بر افندیہ تودیی مغایر قانون اولدیغندن وافادات سائرہ دن بختلہ اعلام مذکورک تقضی استدعاسندن ولایحہ جوابیہ مالی اعتراض مذکورک غیر وارد بولندیجی بیانیلہ ردی وموافق اصول وقانون اولان اعلام میزبہک تصدیقی طلبندن عبارتدر .

ایجابی مذاکرہ اولندقدہ اعلام میزبہ مآلندن منفہم اولدینی اوزره محکمہ مذکورہ جہ ہر نہ قدر بروجه مشروح حکم اولنش ایسہدہ مدعیہ نک اقامہ ایلدیکنی دعوی مدعی علیہک کندوسنہ قرضاً ویرہ جکی وعد ایلدیکنی مبالغدن یتش سکیز یچ لیرانک تحصیل طلبندن عبارت اولوب حال بوک قرض ایجاب وقبول ایله منعقد اولور ایسہدہ تمامیتی یعنی ملکیتی مفید اولسی قبض ایله اولہ جغنی جہتلہ مقروض مستقرض جانبندن قبض ایدلمک مقروض مجرد ایجاب وقبولہ منی اقراض یعنی مقروضی تسلیمہ جبر ایدیلہ میہ جکنہ ومجلہ نک (۱۶۳۰) نجی مادہ سندنہ ایسہ دعوانک ثبوتی تقدیردہ مدعی علیہک بر شی ایله محکوم وملزم اولسی شرط ایدوکی محرر بولسنہ کورہ مدعیہ نک وفاء فراغ ایتدیکنی عقارک بلا بدل اولدیغندن بختلہ بدل مذکورک استرداد حق باقی قالمق اوزره دعوا ی واقعہ نک استماع اولنامسی لازم کلور ایکن استماعیہ حکم اولنشی یولسز وقانونہ مغایر اولدیغندن اصول محاکمہ حقوقیہ قانوننک ایکی یوز اوتوز ایکنجی مادہ سی موجبہ اعلام مذکورک نقضیلہ قانون مزبورک ایکی یوز قرق دردننجی مادہ سنے توفیقاً بالرؤیہ اعلامہ رابطی ضمنتہ محکمہ مذکورہ اعادہ سنے وزیردہ مفرداتی مرقم درت یوز قرق اوچ یچ غروش مصارف تمیزینک ایلرودہ حقسز حقیقہ جق طرفہ عائد اولسنہ ۲۴ نیسان ۳۲۶ تاریخندہ متفقاً قرار ویرلدی .

محكمة تميز حقوق دائر سندن صادر اولان ۱۶ مایس ۳۲۶ تاریخلی و ۲۹۶ نومرولی اعلام صورتیدر:

« مأجورك یدغاصبده قالدینی مدت منافعی طلب و دعوی ایتک حق موجره راجع اولدیغنه مبنی مستأجرك ادعاسی اوزرینه تضمین منفعته قرار ویرلسی و مدعا بیک عمومیه عائدیتی ادعا اولندیغنی حالده مدعی علیهمک قوم محصور اولوب اولمادیغنیك تدقیق ایدلامسی و مدعی عمومی بولندیرلامسی نقض حکمی مستلزمدر »

الاصونیه قضاسنه تابع اولاخویان قریهسی اهالیسندن یانی تهغو و طودوری روزا و دیمتری مناکچیا و یورکی قسطنطی صابونا و یورکی طودوری صابونا و بیوک پاپا یورکی ایله سالانیکده مقیم کور و کراسته تجارندن غاوریک افندی یاقوا مولینوز میانلرنده متکون دعوایه دائر قضاء مذکور بدایت محکمهسی حقوق قسمندن ۳ تموز ۳۲۵ تاریخلی و التمش یدی عددیه و یریلان اعلام و قومون پانی و رفقاسی طرفلرندن مدت قانونیهسی ظرفنده تميز اولنهرق اوراق تمیزیه صورتلری دیگر طرفه تبلیغ ایدلمش اولدیغنی حالده جواب لایحهسی ویرلامش اولغله لایحه اعتراضیه ایله بالمطالعه تدقیقات تمیزیه اجراسنه ابتدار اولندی .

مذکور اعلامک خلاصه مندرجاتی مومی الیه غاوریل افندی وکیل علی افندی موکلنک صدر اسبق مرحوم رشیدپاشا ورثه سندن بالاستیجار ایک یوز یکریمی یدی ایرا بدل مقابلنده آخره ایجار ایدلکی الاصونیهده کائن ایلا نام قشلاغی مذکور چفتلکده مقیمون مزبورون یانی ورفقاسی مستأجرك دخوانسه خودبخود و مخالفتله مزبور قشلاغک اوت و صویندن انتفاع ایش و قشلاق ایسه معدلاستقلال اولغله برابر مداخله دن کفاسید ایتلری ایچون مقاولات محررلکی معرفتیه اخطارات رسمیه دخی و قوغبولش اولدیغنی حالده اصفا ایتامش اولدقلرندن مذکور قشلاغک بدل ایجاری اولان ایک یوز یکریمی یدی لیرانک کفالت متسلسمه صورتیه مرقوموندن تحصیانی طلب و دعوی و مدعی علیهم وکیل اندریا افندی دخی منازع فیه محل اولا خویان قریهسی اهالیسنگ حیواناتنه مخصوص و متروک مرعا اولوب موکلرینک بحق تصرف ایله اوتندن صویندن انتفاع ایدلکلرینی تواتراً اثباته مهیا بولندقلرینی افاده و انبیا و بوکا قارشى مدعی وکیل ده متوفای مشارالیه احفادنن ولی الدین و نجم الدین بکلرک وکالت عمومیه لرینی حائز بولندیغنه و مدعی علیهم وکیلنک درمیان ایتدیکی تصرف ادعاسی موکلری مومی الیه مانک حقوقه تجاوز دیمک اولدیغنه بناءً شخص ثالث صفتیه مومی الیه مانک دخی داخل دعوی ایدلرینی استدعا و برقطعه ملکنامه هایون ابراز و اعطا ایللری اوزرینه محکمه جهریان ایدن محاکمه و تدقیقات نتیجه سنده دعواى واقعه یه قارشى مدعی علیهم وکیل اندریان افندی منازع فیه قشلاغک اولا خویان چفتلکی اهالیسنگ حیواناتنک رعیلرینه مخصوص و متروک مرعی اولوب موکلری دخی مذکور چفتلک اهالیسندن اولدقلری جهته بحق اوتندن و صویندن انتفاع ایتش اولدقلرینی مقام دفعده درمیان ایتدیکی حالده دفع دعواسی هیچ بر وجهله اثبات ایدم مامسنه و مجله نك (۱۶۳۷) نجی ماده سته توفیقاً مالک و متصرف

بولنان مرحوم رشید پاشا ورثه سندن علی افندی وکالة قشلاق مذکورک اوتوز سنه دئیری ورثه مومی الیه مانک تحت تصرفلرنده بولندیغنی و معدلاستقلال اولوب اجر مثل سنوایسی ایک یوز یکریمی یدی عدد لیرای عثمانی ایدوکنی لیدی التذکیه عدل و مقبول الشهاده ایدوکلری اکلاشیلان شهود مستمعنهک شهادتیه اثبات ایش اولسنه بناءً مجله مذکورنک بشیوز طقسان التنجی و (۱۸۱۸) نجی ماده لری موجبجه مدعی علیهمک منع مداخله لرله مدعا بیک یوز یکریمی یدی لیرانک مدعی علیهمک بالتحصیل مدعی یه اعطاسنه حاکمکن واشبو حکم علینده مستدعی تمیزلرک لایحه لرنده مندرج اعتراضاتنک باشلوجهسی عندالحاکمه دعوی تصرفه انتقال ایتش اولدیغنی حالده وضع ید اثبات ایتدیرلامکله برابر اثنای محاکمه مدعی عمومی و اراضی مأمورینک حاضر بولندیرلامسی یولسز و مغایر قانون اولدیغندن و افادات سائرده دن بختله اعلامک نقضی استدعاسندن عبارتدره ایجابی مذاکره اولندقدن محکمه مذکورده جه هر نه قدر بروجه مشروح حکم اولمش ایسه ده صورت جریان محاکمه دن استدلال اولندیغنه کوره مأجور مستأجردن غصب ایدلکیکندن یدغاصبده قالدینی مدتده مستأجردن بدل ایجاری ساقط اوله جغه وشو حالده مأجورک یدغاصبده طوردینی مدت منافعی طلب و دعوی ایتک حق التحق موجره راجع بولسنه نظراً محکمه جه دعواى واقعه ده مستأجرك تضمین منفعت حقنده کی ادعاسنده صفت قانونیهسی اولمادیغنی حالده مذکور ادعا بالقبول تضمین منفعته قرار ویرلسی و کرچه مجله نك (۱۶۳۷) نجی ماده سی موجبجه مأجوری غاصبدن استرداد ایتک مستأجرك حق اولوب بوجهته متدائر دعواسی لازم الاستماع ایسه ده مدعی علیهم منازع فیه محاکم عمومیه عائدیتی ادعا ایتلری اوزرینه مرقومونک قوم محصور اولوب اولمادقلری تدقیق ایدلمک و تشکیل محاکم قانوننک ۶۵ ، ۷۱ نجی ماده لرنده کوسترلیدیکی اوزره اثنای محاکمه مدعی عمومی بولندیرلهرق مطالعه سی التمس مقتضی ایکن بو جهتلردن دخی ذهول ایدلسی یولسز و قانونه مغایر اولدیغنه بناءً اصول محاکمه حقوقیه قانوننک (۲۳۲) نجی ماده سی موجبجه اعلام مذکورک نقضیه قانون مزبورک ایک یوز قرق دردننجی ماده سته توفیقاً کیفیتک بالرؤیه اعلامه ربطی ضمتنده محکمه مذکورده اعاده سته وزیرده مفرداتی مرقم درتیوز اوتوز بر غروش مصارف تمیزی نك ایلروده حقسز چیه حق طرفه عائد اولسنه ۲۶ مایس ۳۲۶ تاریخنده متفقاً قرار ویرلدى .

محكمة تميز حقوق دائر سندن صادر اولان ۲۲ مایس ۳۲۶ تاریخلی و ۷۴۳ نومرولی اعلام صورتیدر:

« یالکز عقد اجاره اوزرینه تکلیف اولنان یمیندن نکول ایله عقد اجاره ثابت اولور ایسه ده مجرد بونکولدن دولابی بدل ایجاری ده مثبت عد ایدلسی واحد ورثه نك متوفانک له و علیهمدهکی دعوا ده حق خصوصتی اولغله برابر کندی حقندن فضله سنگ کندیسه ویرلیه چکی مجله ده مصرح ایکن مجموع مدعا نك مدعی یه ویرلسنه قرار اعطاسی مستلزم تقضدر »


وانک خانیک اوغلی محله سنده مقیم خانکیان همپار سوم اذا ایله بویه خانه محله سنده ساکن میرزه خانیان

ارزون اڭا بىندە متحدث دعوايه دائر ولايت مذكوره مركز بدايت محكمه سندن وىريلان ۳ مارت ۳۲۶ تاريخلى ويدى عدلى اعلام مرقوم همپار سوم اڭا طرفندن تميز اولمقله طرفينك اعتراض وجواب لايحه ليله بالمطالعه تدقيقات تميزيه اجراسنه ابتدار اولندى .

اعلام مذكورك خلاصه مندرجاتى مرقوم ارزون اڭانك عموجه سى اويديس وعميسى اوغلى كرقور اڭا ايله مشتركاً متصرف اولدقلى بوديون اوغلى خاننده كائن بر باب او طه ايله بر باب انبارى بدل ايجار سنبه سنبه معجلاً وىرلك اوزره اوچ سنبه مدته باقونطوراتو مرقوم همپار سوم اڭا ايجار ايتدكلى حالده مرقوم برسنبه ك بدل ايجاردن كندى حصه سنبه عاڭ اوچ عدد عثمانلى التوتى وىرمكن امتناع ايلديكندن بختله تحصيلنى طلب ودعوى ومذكور قونطوراتوي صنايع ايلديكى جهته ابراز ايدميه جكنى بيان وانبا ايتسنبه قارشى مدعى عليه همپار سوم مدعى مرقومدن او طه وانبار استيجار ايتديكى كى مرقومك اساساً ملك صاحبي اولوب اولمادى بيلمديكى ومدعى ده مذكور او طه وانبارك كيمك نامنه مقيد اولديڭك طابو اداره سندن استعلام ايدلسنى طلب وادعا وبرقطعه وراثت حجتى ابراز واعطا ايلدكاردن وسبق ايدن استعلام اوزرينه طابو اداره سندن تذكرة جوابيه ورود ايتدكدن صكره جريان ايدن محاكمه وتدقيقات نتيجه سنده مدعى مرقوم ادعاى واقعى اصولاً اثباتدن اظهار عجز ايله ايجارىنى ادعا ايلديكى دكانى مدعى عليه همپار سوم اڭا كندوسيله عموجه سى اويديس اڭادن استيجار ايتديكنه دائر مدعى عليه مرقوم تكليف ايلديكى يمينك قبول واجراسندن مرقوم همپار سوم اڭانكول ايلش اولسنبه بناءً مجله نك (۱۸۲۰) نجى ماده سى موجبجه مدعا به اوچ عدد عثمانلى التونك مدعى عليه همپار سوم اڭادن بالتحصيل مدعى طرفندن مبرز اعلام شرعى موجبجه متوفى سر كس اڭانك ورثه سنبه اضافته مدعى ارزون اڭا ايه اعطاسنه حكمدن ومستدعى تميز همپار سوم اڭانك اشبو حكم عليهنده لايحه سنده محرر باشلوجه اعتراضى مدعى مرقومك متوفى پدرى سر كس اڭانك وراثتى مدعى ايله ورثه سنبه منحصره اولدينى مبرز وراثت حجتيله ثابت اولوب بو باده اعطا ايديلن حكمك عموم ورثه سنبه شمولى دركار ايكن مبلغ مدعا بهك يالكيز مدعى به حصر ايدلسى مغاير قانون اولديڭدن بختله اعلامك نقضى استداسندن ولايحه جوابيه مؤداسى دخی اعتراضات مسروده نك غيروارد اولدينى بيانندن عبارتدر .

ايجابى لى المذاكره اعلام مذكور مآلندن مستبان اولدينى اوزره محكمه مذكوره جهه كيفيت بر منوال محرر تحت حكمه آلمش ايسنده بالطلب اجرا ايديلن تحليف يالكيز عقد ايجاره اوزرينه واقع وصورت تحليفده بدل غير مذكور اولدينى جهته تكليف اولنان يميندن نكول ايله عقد ايجاره ثابت اولور ايسنده بدل ايجاره ثابت اولمادىنى حالده مجرد بونكدلدن دولايى بدل ايجار نك مثبت عد ايدلسى ومدعا به عقار مدعى ايله ورثه سائرته موروث اولدينى وراثت حجتندن اكلا شلمش واحدورثه نك متوفانك له وعليهنده كى دعواده مجله نك (۱۶۴۲) نجى ماده سى موجبجه حق خصوصتى اولمقله برابر كندى حقتدن فضله سى مجرد وارث اولمق صفتيله بو مدعى وارثه وىريله ميه جكى ماده مذكوره ده مصرح ايكن بوكا مخالف اوله رق مجموع مدعا نك مدعى به اعطاسنه قرار

وىرلسى يولسز ومغاير قانون اولديڭنه بناءً اصول محاكمه حقوقيه قانونك (۲۳۲) و (۲۴۱) نجى ماده لرى موجبجه اعلام مذكورك نقضيله قانون مزبورك ايكوز قرق دردننجى ماده سى حكمنه توفيقاً كيفيتك تكرر بالرؤيه اعلامه ربطى ضنده محكمه مذكوره ايه اعاده سنبه و مبلغ مدعا به بشبور غروشدن دون بولمقله زيرده مفرداتى مرقم يوز اوتوز درت غروش مصارف تميزيه نك ايلروده حق سز حقيقه جق طرفه عاڭ اولسنبه ۲۲ مائس ۳۲۶ تاريخنده متفقاً قرار وىرلى .



محكمه تميز جزا دائره سندن صادر اولان ۱۱ نيسان سنبه ۳۲۶ تاريخلى وسكيز يوز يكرى يدى نومرولى اعلامك صورتيدر :

« احكام جزائيه ده تعاملك تأثيرى اوله ميه جفنه مبنى محكوم عليهك تعاملاً ترويج سرامه مقتدر اولديڭك محكمه جه قبول ايدلسى نقض حكمى مستلزمدر »

ضابطه مأمورى مراد بكر شوت اعطا ايتدكارى ادعا قلمه سندن دولايى جنائيله اتهام اولنان نادو ولد آيرى ومراد ولد قذرك محكوميتلرينه دائر بتليس ولايتى اسنياف محكمه سى جزا دائره سندن مقدا وىريلان اعلامك عندالتميز نقض ايله اعاده قلمه سى اوزرينه اخيراً اجرا قلنان محاكمه لرنده قانون جزانك التمش طقوزنجى ماده سنبه توفيقاً اوچر سنبه مدته قلعه بند ايدلملرينه ورشوت اوله رق وىردكلى سكيز ليرانك جزاى نقدى اولمق اوزره ايراد قيدينه وفقط جرمك وقوعى ۱۰ تموز سنبه ۳۲۴ تاريخندن مقدم اولمق حسييله بوبابده كى قانونك بشنجى ماده سنبه استناداً مدت محكوميتلرينك نصفى اولان بر بچق سنبه تنزله دائر محكمه مذكوره دن صادر اولان ۲۱ شباط سنبه ۳۲۵ تاريخلى وايكيوز تمش ايكي نومرولى اعلام ايله اوراق متفرعه سى باش مدعى عمومليك مأموريت عليه سندن ۲۸ مارت سنبه ۳۲۶ تاريخ واوچيوز طقسان سكيز نومرولى تبليغنامه ايله محكمه تميز جزا دائره سنبه كوندرلكله مطالعه اولندى .

مذكور تبليغنامه ده اعلام سابقك اسباب نقضيه سندن برى بولنان ومراد بكك متهمك برادرندن اودونج المش اولدينى سكيز ليرانك رشوت اوله رق ميدانه قونلدينى حقتده كى ادعا ومدافعه سنبك عدم تعينى نه كى تحقيقات واستطلاعاته مسستند ايدوكنك ايضاح ايدمامسى كيفيتندن عبارت اولان نقطه اوزرينه اشبو محاكمه اخيره ده افادات سابقه دائره سنده واقع اولان مدعا نك اساس مسئله يه تأثيرى جهته توسيع تحقيقات اجرا سيله حقيقت حالك تعيين وتبينى واعلامده دخی اسباب موجب اراء سيله توضيحي مقتضى ايكن بشقه مكانده واقع اولمش بر عقدى تدقيق ايله اشتغال ايدلمش اولنه جنى بيانيله رد ايدلسى مخالف قانون بولمش اولدينى كى مراد بكه وقوع بولان مراجعت مختار تبديلى ماده سى اولمى جهته مومى اليك بوبابده ترويج سرامه اقتدارى بولنوب بولنديڭك ده نظر مطالعه يه انمامسى نقض واقع اسبابى جمله سندن اولوب مختارانك نصيب وعزلى نظاماً

اهاليك انتخابى ومجلس اداره لرك تصديقيه اجرا ايديلهرك مأمورين ضابطه نك قطعياً مناسبلى اولدينى ومختارك خلاف اصول معاملاتندن ناشى وقوع بوله حق شكايات اوزرينه كيفيت موجبجه حل وتدقيق اولنهرق صورت تحقيقات واشتكايه كوره مقضاسنى تقدير وتعيين مجالسه عائد بولندينى جهته محكمه جه بوقسم حقنده مجرميت قرارنامه سنده معاملات مسرووده نك ضابطه نك معلوماتى تحتنده اجرا اولندينى بيانيله اکتفا ايدلى مخالف قانون اولديغندن بحثله اعلامك تقضى طاب ايدلمشدر .

تدقيقات تميزيه اجرا اولندقدده اعلام سابق مراد بلك متهمك برادرندن اودونج الدينى سكر ايراك رشوت اولهرق ميدانه قونلديغه دائر اولان ادعا ومدافعه سنك عدم تعيينى نه كى تحقيقاته مبنى اولدينى ايضاح ايدلماش ومراد بكة مراجعتك بر مختار تبدلى ماده سى اولمسنه كوره انك بوبابده كى مقصدك ترويجنه مقتدر اولوب اولندينى نظر مطالعه اله التامش اولديغندن نقض ايدلمش واعلام اخيرك مجرميت قرارنده مختار تعيين وتبدلى مسئله سنك تعامل قديم وجهله ضابطه نك معلوماتى التنده حصوله كلديكى كوستر بلوب حالبوكه احكام جزائيه ده تعاملك تأثيرى اوله ميه جنى ومذكور مسئله ده كى اصحاب وظائف وصلاحياتك قانون مخصوصنده مندرج ايدوكى دركار بولنش ايكن مراد بلك تعامل ترويج مرامه مقتدر اولديغتك محكمه جه قبول ايدلى مخالف قانون وتبليغنامه نك اودونج اچيه كيفيته عائد جهتي ده واردونجا اولغله اصول محاكمات جزائيه قانونك اوجيوز اون دردنچى ماده سنه توفيقاً اعلام اخير مذكورك دخى بر موجب طلب تفصيله اوراقك محله اعاده سنه وايكوز غروش اعلام خرجك ايلروده حقسنر چيچه جق طرفدن تحصيلنه ۴ نيسان سنه ۳۲۶ تاريخنده قرار ويرلدى .

محكمة تميز جزا دائره سندن صادر اولان ۱۸ مايس ۳۲۶ تاريخلى و ۱۴۷۹ نومرولى اعلام صورتيدر :

« اعلام سابقك غير منقوض قسمتك اعلام اخيره درج ايدلامسى مستلزم نقضدر »

مرعش سنجاغى بدايت محكمه سى جزا دائره سندن اخيرا صادر اولان ۱۰ ربيع الاول ۳۲۸ و ۲۸ مارت ۳۲۶ تاريخلى و قرق التى نومرولى اعلام ايله اوراق تفرعه سى باش مدعى عموميك مأموريت عليه سنك ۱۶ جمادى الاولى ۳۲۸ و ۱۲ مايس ۳۲۶ تاريخلى و ۱۴۲۴ نومرولى تبليغنامه سيلاه محكمه تميز جزا دائره سنه اعطا قلمشدر

اعلام مذكورك خلاصه مالى اوجيوز يكرمى درت سنه سى ماي سنك اون يدنجى جمعه ايرتسى كوتى اقشام اوزرى البستان قضاسنك ارغين قريه سندن ويرانى احمد اوغلى ابراهيم بن طوردى يى جرح وقتل ايلدكلى ادعا قانمسندن دولايى جنايته متهم بولنانلردن قريه مذكورلى اون يدى ياشنده چاقرا اوغلى خليلك محكوميته دائر مقدما صادر اولان اعلامك عندالتميز نقض ايله اعاده قلمسى اوزرينه اخيرا اجرا قلنان

محكمة عانيه سى نيجه سنده مقتول ايله بينلرنده تحصيل ايدن منازعه ومضاربه اثناسنده متهم مرقوم خليلك التنده بولنان و اوجى تيورلى جك تعبير اولنورمسيله مقتولك باشنه اوردهرق جرح وبوندن متأثراً مرقومك وفات ايلديكى مع القسم استماع قلنان شهودك شهاداتى وكشف وطيب راپورلى مندرجاتى ومتهم مرقومك تأويلأ وقوعبولان اقرارى دلالتلريله ثابت اولديغندن او وجهله مجرميته وحركته توافق ايدن قانون جزانك يوزتمش دردنچى ماده سنه تطبيقاً وابته اى توقيفى اولان اوجيوزيكرمى التى سنه سى جمادى الاولاسنك اوجنجى كونندن اعتباراً اون بش سنه مدته كوركه قونلسنه و آنجق جرمك زمان ايقاعى ۱۰ تموز ۳۲۴ تاريخندن مقدم اولق حسييله اولبابده كى قانون اخيرك بشنجى ماده سى موجبجه مدت مذكورك نصفى اولان يدى بچق سنه يه تيزيكه حكم اولنديغندن عبارتدر .

تبليغنامه مفادى دخى موافق اصول وقانون بولنان اعلام اخير مذكورك تصديقى طلبى محتويدر .

اوراق سائر دعوى دخى قرائت و مطالعه ايدلدكن صكره تدقيقات تميزيه اجرا اولندقدده اعلام سابقك استماع شهود نقطه سنه قدر اولان غير منقوض قسمتك وكشف معاينه يى حاوى ضبط ورقه سى وراپور ماللرينك اعلام اخيره درجى لازمهدن ايكن بوندن ذهول اولندينى و ۱۸ كانون نانى ۳۲۵ تاريخلى جلسه ده هيئت حاكمه رئيس حمدى واعضا توفيق وكركور وبوركى واعضا ملازمى كنعان افنديلردن عبارت بولندينى ضبطنامه بالاسنده محرر ايكن مذكور محاكمه يى حاوى ضبطنامه زيرينه مومى اليهمدن توفيق وكركور افنديلرك رينه حقى و ناجى افنديلرك امضا ايلدكلى و آلت جرم اولان مسلك البستان مستطقلكدن جلبنه وبوبابده قضاء مذكور بدايت محكمه سى رياسته اشهار كيفيته واخيراً اشبو اشعارك تاكيدينه قرار ويرلمش ورياست مذكوره دن جواب ورود ايدوب ايتديكنه دائر اندن صكره محاكمه ضبطنامه سنده بر صراحت بولناماش ايكن الت مذكورك بولنه مدنيى يولنده جواب التديغتك مجرميت قرارنده ذكر ايدلدكي وافاده مضبوطه سى قرائت ايديلان خديجه نك شهادت مضبوطه سنده آلت مذكوره اورتسندن قيراش اولهرق كوردىكى سويلش ايكن بوجهت شهود سائرهدن سؤال اولندينى ومدافعه وكبلى مصطفى افندى طرفندن شهودك افاداتى بيننده مناسب بولنديغندن بحث اولندينى وفي الحقيقه شهود مرقومه دن حاجى على واسماعيل اوغلى عثمان وعلى اوغلى سايمانك محاكمه سابقه ده كى افاده لريله محاكمه اخيره ده كى شهادتلى بيننده مباينت كايه موجود اولدينى جهته مجرميت قرارنده اشبو قسم مدافعه حقنده اسباب كافيه وواضحه كوسترلمكسز ين مدافعه واقعه نك غيروارد اولدينى بيانيله رد اولندينى كورلمش وخطيات ونواقص مذكوره ايسه نقض حكمى مستلزم بولنش اولديغندن اصول محاكمات جزائيه قانونك اوجيوز اون دردنچى ماده سنه توفيقاً اعلام اخير مذكورك دخى نقض ايله احكام قانونيه دائره سنده ايفاض معامله اولنق اوزره اوراقك محله اعاده سنه وايكوز غروش اعلام خرجك ايلروده حقسنر چيچه جق طرفدن تحصيلنه ۱۸ مايس ۳۲۶ تاريخنده قرار ويرلدى .

محكمة تميز جزا دائره سندن صادر اولان ۲۹ مایس ۳۲۶ تاریخلی ۱۶۹۲ نومرولی اعلام صورتیدر:

«بحریت قرارنامه سنده شهادت ایله دلائل و امارات مستحصله نك علی وجه التفصیل ذکر و توضیح و مدافعات ردی موجب اولان اسبابك دخی تصریح ایدلامسی
نقض حکمی مستلزمدر»

قره حصار صاحب سنجانی بدایت محکمه سی جزا دائره سندن تنظیم و اعطا قلنان ۵ جاذی الاولی ۳۲۸ و ۱ مایس ۳۲۶ تاریخلی و (۲۷۷) نومرولی اعلام ایله اوراق متفرعه ی باش مدعی عمومیلک مأموریت علیه سندن نقض طلبی حاوی ۲۴ جاذی الاولی سنه ۳۲۸ و ۲۰ مایس سنه ۳۲۶ و بیک آلتیوز یوز یکریمی سکنز نومرولی تبلیغنامه ایله محکمه تميز جزا دائره سنده اعطا اولمشدر.

اعلام مذکورک خلاصه مالی اوچیوز یکریمی درت سنه سی مایسینک یکریمی دردنجی کونی کیسکه قضاسنه تابع کوچرلی قریه سندن عبدالسلام اوغلی علی بی قتل ایلدیکی ادعا قلم سندن دولای جنایتله اتهام اولنان قریه مذکورهدن پدر اوغلی عثمانك اجرا قلنان محاکمه علیه سی نتیجه سنده الفت مسئله سندن دولای تحت ایدن منازعه اثناسنده متهم مرقومك فعل مذکور جرائی اولباده مع القسم استماع اولنان شهودك شهاداتی و طیب راپوری مندرجاتی و کندوسنك اخبار اولنان اقراری و مقتولك قبل الوفات حصرأ وقوع بولان ادعاسی دلائله ثابت اولدیغندن مجرمیت و حرکتته توافق ایدن قانون جزانك یوز یتش دردنجی و اولباده قانون اخیرك بشنجی ماده لرینه توفیقاً مستحق اولدیغی اون بش سنه کورک جزاسنك نصفی اولان یدی یچق سنه مدته کورکه قولسنه حکم اولدیغندن عبارتدر.

کافه اوراق دعوی قرائت و مطالعه ایدلکدن صکره تدقیقات تمیزیه اجرا اولندوقده اعلام مذکورک تدقیقات و محاکمات قسمنده مندرج بالجله شهادت ایله دلائل و امارات مستحصله نك علی وجه التفصیل بحریت قرارنامه سنده ذکر و توضیح و مدافعات ردی مستلزم اولان اسبابك دخی ذکر و تصریحله اعطای قرار اولمسی مقتضی بولمش ایکن شهودك اخباراتی و دلائل سائر ایله آکلاشلدیغی بیانیله بحریت قراری اتخاذی مغایر قانون اولدیغنه دائر تبلیغنامه ده سرد اولنان اعتراضات وارد اولقله برابر متهمك استجوابی حاوی ضبطنامه ده متهمك امضاسی موجود اولموب مرقوم امضا ایده ماش ویا ایتمکدن استکاف ایش ایسه بو صورتك مذکور ضبطنامه ده درج اولمسی لازمه قانونیه دن ایکن بوندن و اوراق میاننده بولنوب ۲۵ مایس ۳۲۵ تاریخلی قریه هیئت اختیاریه سی ضبط ورقه سنك قرائتی ایله درج اولمدیغی کبی بونده امضا و مهرلری کبی بونده کسانك جلب و استماعیه توسیع تحقیقات اولنه رق حقیقت حالک ظاهره اخراجندن ذهول ایدلیکی و استماع ایدیلان شهوددن تحصیلدار نوری افندیك تحافی تعریف قانونی وجهله اجرا اولدیغنك نه ضبطنامه ونه ده اعلام ده تصریح قلمدیغی و جلبنه قرار ویریلان محمد چاوشك نهدن دولای جلبندن صرف

نظر اولندیغی اعلام ده مصرح اولموب بونك یرینه ژاندارمه افرادندن احمد بن محمد استماع اولندیغی حالده مرقومك جلبنه دائر برکونا قرار موجود اولمادیغی کورلمش اولغله مغایر قانون و نقضی مستلزم اولان اسباب مذکوریه بناءً و اصول محاکمات جزائییه قانوننك (۳۱۴) نجی ماده سنده توفیقاً اعلام مذکورک نقضیه احکام قانونیه دائره سنده ایضای معامله ایدلمك اوزره اوراقك محانه اعاده سنده و ایکی یوز غروش اعلام خرجنك ایلروده حقسنز چیه جق طرفدن تحصیلنه ۲۹ مایس سنه ۳۲۶ تاریخنده قرار ویرلدی.

محكمة تميز جزا دائره سندن صادر اولان ۲۳ مایس ۳۲۶ تاریخلی ۱۶۲۹ نومرولی اعلام صورتیدر:

«وقوفی اولانلرك جلیله تعیین سن ایتدیرلك ایجاب ایدرکن ناصیه حاله کوره
تقدیر ایدلمش اولمسی مستلزم نقضدر»

نیکده سنجانی بدایت محکمه سی جزا دائره سندن تنظیم و اعطا قلنان ۳ صفر سنه ۳۲۸ و ۳۰ کانون ثانی ۳۲۵ تاریخلی و بش یوز قرق بر نومرولی اعلام ایله اوراق متفرعه باش مدعی عمومیلک مأموریت علیه سندن ۲۲ جاذی اول سنه ۳۲۸ و ۱۸ مایس ۳۲۶ تاریخلی و بیک بشیوز یتش اوچ نومرولی تبلیغنامه ایله محکمه تميز جزا دائره سنده اعطا اولمشدر.

اعلام مذکورک خلاصه مالی اوچیوز یکریمی بش سنه سی مارت ظرفنده و لمصون قریه سندن نادر اوغلی صبی حبیب بن علی یه جبراً فعل شنیع اجرا ایلدیکی ادعا قلم سندن دولای جنایتله اتهام اولنان قریه مذکورهدن قریه مصطفی اوغلی دورمشك اجرا قلنان محاکمه سی نتیجه سنده متهم مرقومك فعل مذکور جرائی مع القسم و بلا قسم استماع اولنان شهودك شهاداتی و مدعینك حصر ادعاسی و طیب راپوری مندرجاتی ایله ثابت اولدیغندن مجرمیت و حرکتته تطابق ایدن قانون جزانك (۱۹۸) و (۴۰) نجی ماده لرینه توفیقاً مستحق اولدیغی اوچ سنه کورک جزاسنك ربعی اولان طقوز آی حبسنه و بش سنه ده ضبطیه نظارتی التنده بولندیرلمس و جنجه مظنونو علینك اون اوچ یا شنده بولمسی حسیله ابوینه تسایمه حکم اولدیغندن عبارتدر.

سالف الذکر تبلیغنامه مفادی دخی حقنده اعتراضه محل کوریه میان اعلامك تصدیقی طلبی محتویدر. کافه اوراق دعوی بعد مطالعه مرقوم دورمش حقنده تدقیقات تمیزیه اجرا اولندوقده کرچه تبلیغنامه ده بوجه محرر اعلامك تصدیقی طلب اولنیور ایسه ده مرقومك سنی حقنده وقوفی اولانلرك جلیله تعیین سن ایتدیرلك ایجاب ایدرکن ناصیه حاله کوره تقدیر ایدلمش اولمسی یولسز اولدیغندن اصول محاکمات جزائییه قانوننك (۳۱۴) نجی ماده سنده توفیقاً اعلام مذکورک نقضیه اوراقك محانه اعاده سنده و ایکی یوز غروش اعلام خرجنك ایلروده حقسنز چیه جق طرفدن تحصیلنه ۲۳ مایس سنه ۳۲۶ تاریخنده قرار ویرلدی.

محكمة تميز جزا دائره سندن صادر اولان ۳ مایس سنه ۳۲۶ تاریخی و ۱۱۸۱ نومرولی اعلام صورتیدر:

«توقات آتمق ویره باتیرمق کبی وقوع بولان تجاوزک فاعلی تحریک ایدجک»
«ومعذور کوستره جک حالاتدن اولدیغه دائر»

منتشا سنجانی بدایت محکمه سی جزا دائره سندن تنظیم و اعطا اولسان ۳ شباط سنه ۳۲۵ تاریخی و بیك طقسان طقوز نومرولی اعلام ایله اوراق متفرعه سی باش مدعی عمومیک مأموریت علیه سندن ۱ جاذی الاول سنه ۳۲۸ و ۲۷ نیسان سنه ۳۲۶ تاریخی و بیك یوز اوتوز بر نومرولی تبلیغنامه ایله محکمه تميز جزا دائره سنه اعطا اولمشدر.

اعلام مذکورک خلاصه مالی اوچیوز یکریمی اوچ سنه سی شباطنک ایکنجی کونی دالیانده مقیم مغله لی نیقوله اوغلی یورکی نی جرح و قتل ایلدیکی ادعا اولمسنندن دولای جنایتله متهم دالیانی سکوکچی اوغلی میخالک محکومیتنه دائر مقدمات ویریلان اعلام عندالتمیز نقض ایله اعاده قلمسی اوررینه اخیراً اجرا قلنان محاکمه علیه سی نتیجه سنده وقوع بولان عادی بر منازعه اثناسنده متهم مرقومک بالتهور یورکی نی جرح و قتل ایستیک مع القسم استماع قلنان شهودک شهادتی وضبط ورقه سی وطیب راپوری مندرجاتیله ثابت اولدیغندن اولوجهله مجرمیتنه وحرکتته توافق ایدن قانون جزانک یوز یتش دردنجی ماده سی حکمنه توفیقاً وجرمک ۱۰ تموز ۳۲۴ تاریخندن مقدم اولسی حسبیل قانوننامه نك اوچنجی ویشنجی ماده لرینه استناداً مستحق اولدینی اون بش سنه ک نصفی اولان یدی یحیی سنه مدته کورکه قولسنه حکم اولدیغندن عبارتدر.

تبلیغنامه مفادی دخی صورت جریان محاکمه سیله جهت تطبیقه سی حقننده اعتراضه محل کوریلهمیان اعلام مذکورک تصدیق طلبی حاویدر.

کافه اوراق دعوی مطالعه ایدلکدن مسکوره بدقیقات تمیزیه لدی الاجرا کرچه تبلیغنامه ده اعلامک تصدیق طلب اولنیورسده اعلام سابق شهودک تعریفات قانونیه دائره سنده تحلیف اولناملرندن و مجرمیت قرارنده ایشده موجب معذرت اوله بیله جک مقابله شکلی موجود اولوب اولمادی حقننده بیان رأی و مطالعه اولنامسندن ناشی نقض اولمش و بناء علیه اعلام مذکورک استماع شهود نقطه سنه قدر اولان غیر منقوض قسمنک اعلام اخیره درجی لازمه دن بولمش ایکن بوقسمک درج اولنامسی و بعدالنقض اجرا قلنان محاکماتدن برنجی جلسه ده جلب ایدیلان شاهد آندون ولفتر وکریاقو ولد جیطور وکرقرور ولد مانولک دعوته اجابت ایلدکاری اعلامک اوچنجی صحیفه سی باش طرفنده مندرج اولوب حال بوکه اعلامک دردنجی صحیفه سنده وضبطنامه ده شهود مرقومه دن دردنجیسنک یورکی اولدینی کوسترلمش وایکنجی جلسه ده هیئت حاکمه جه تبدل وقوع بولمش وضبط سابق قرائت ایدلیدی ضبطنامه ده کوسترلمش اولدینی حالد بو جهتک اعلامده تصریح اولنامسی ضبطنامه ده بعض کلات چیزیلوب معامله تصدیقه سی ایفا قانیدینی کبی خلاف اصول وقانون

اوله رق حاک ایدلمش کله لرده کورلمسی موجب نقض حالاتدن اولدینی مثللو بعض شهودک شهادتته نظراً مقتول طرفندن متهمه توقات آتمق و بوزازندن طوتیلوب یره یاتیرلمق صورتیله ایلك تجاوزک مقتول مرقوم طرفندن وقوعی ا کلاشلماقده اولدینی و بو حاله قارشو وقوع بولان جرح و قتله مدافعه نفس صورتیله ایقاع ایدلمش بر فعل نظریله باقیله مامش اولسه بیله تجاوز واقعک متهمی تحریک ایدجک و معذور کوستره جک حالاتدن بولندینی وشو حالده قتلک بالمقابله ایقاع ایدلمش اوله جنی محتاج بحث ومذاکره ایکن محکمه جه مدافعه نفس حقننده کی مدافعه یی رد یولنده سرد اسباب مطالعه ایله بو بایده مقابله یی ایجاب ایستدیر تحریک غیر موجود اولدیغندن بحثله متهمک من غیر تعمدا قتل جرمیله تجریمنده ده اصابت کوریلهمامش اولمغه اصول محاکمات جزائییه قانوننک اوچیوز اون دردنجی ماده سی حکمنه توفیقاً اعلام مذکورک نقضه واحکام قانونیه دائره سنده ایفای معامله اولتمق اوزره اوراقنک محله اعاده سنه وایکیوز غروش اعلام خرجنک تحصیلنه ۳ مایس سنه ۳۲۶ تاریخنده قرار ویرلیدی.

محكمة تميز جزا دائره سندن صادر اولان ۱۱ مایس ۳۲۶ تاریخی و ۱۳۴۶ نومرولی اعلام صورتیدر:

« مباشر لر اجزای محکمه دن اولماد قلرندن ترجان تعیین اوله بیله جکرینه و برنجی قم محاکمه ده تعیین و اخطارات قانونیه ایفا قلنان وکل مدافعک اوچنجی قم محاکمه ده بتکرار تعیین اولمش اوزرینه اخطارات قانونیه نك تکرارینه محل اولادبغه و ریاسته بخش اولسان بر حقک استعمال ایدیلوب ایدلنامسی ریاسته عائد حقوق تقدیریه دن اولدیغه دائر»

دیاربکرولایتی استینافی محکمه سی جزا دائره سندن تنظیم و اعطا اولنان ۴ ربیع الاول ۳۲۸ و ۲ مارت ۳۲۶ تاریخ وایکیوز طقسان درت نومرولی اعلامک تمیزاً تدقیقی مستدعی محکمه مذکورده مدعی عمومیکلکندن معطی استدعنامه و لایحه تمیزیه ایله اوراق سائر دعوی ذکر اولنان لایحه تمیزیه عطفاً نقض طلبی متضمن باش مدعی عمومیک مأموریت علیه سنک ۱۰ جاذی الاولی ۳۲۸ و ۶ مایس ۳۲۶ تاریخ و بیك اوچیوز سکر نومرولی تبلیغنامه محکمه تميز جزا دائره سنه اعطا اولمش ولدی التدقیق مذکور استدعنامه نك مدت قانونیه سی طرفنده ویرلیدی کلاشلمش اولمغه بالقبول تدقیقات تمیزیه اجرا قلندی.

اعلام مذکورک خلاصه مالی اوچیوز یکریمی ایکی سنه سی مارتی طرفنده شکفنان قریه سی اهالیسندن علیشان کهپانک اشیانی اخذ و غصب ایلدکاری ادعا قلمسندن دولای جنایتله اتهام اولنان اشخاصدن فراری حسن عمر حقننده جرمک ۱۰ تموز ۳۲۴ تاریخندن مقدم ایقاع اولمش حسبیل اولبایده کی نظامنامه مخصوص موجبجه تعقیبات قانونیه اجراسنه محل اولمادی قرار کپر اولدقدن صکره دیگر متهم رمضان حمزدرک اجرا

قلانن محاکمه و جاهیه و علنیه سی نتیجه سنده مهتم مرقومك فعل غصبه وقوع اجتناساری ثابت اوله مدیغندن برائتنه حکم اولندیغندن عبارتدر .

کافه اوراق دعوانك مطالعه سندن صکره تدقیقات تمیزیه اجرا قلندقدده لایحه تمیزیده سرد اولسان کینغورق افندی ذاتاً برنجی محاکمه وکیل مدافع تعیین و اختارات اعتراضاتدن اولکیدنی هم مهتم و همده شهوده ترجان تعیین اولسان محکمه مباشرلك اجزای محکمه دن اولوب بیطرف اولمادیغنه و ترجانلغی جائز اوله میه جغه دائر اولوب حالبوکه مباشرلك اجزای محکمه دن معدود اولمادیغنی و تعایق اولسان یوم محاکمه نك تعیین ایدلیدیکنی تضمن ایدن اعتراض اولمادیغه کی جانبامه لده یوم دعوانك معین و مصرح اولمسیله مصیب کوریه مدیکی کی اوچنجی قسم محاکمه وکیل مدافع تعیین اولسان کینغورق افندی ذاتاً برنجی محاکمه وکیل مدافع تعیین و اختارات قانونیه ایفا قلنمش اولسنه کوره اوچنجی قسم محاکمه اختارات مذکور نك تکرارینه محل اولمادیغنی و مدعی شخصیلره تعلق ایدن دردنجی قسم اعتراضه کلنجه اوراق میاننده بولسان ۱۶ مارت ۳۲۲ تاریخلی عر ضالح حق شخصی دعواسنی متضمن اولمایوب علی العاده بر شکایتنامه دن عبارت اولمسیله ذاتاً بو عر ضالحه امضای موجود اولان کیمسسلره قانوناً مدعی شخصی نظریله باقیلمیه جنی و ریاسته عائد اولان بر حقت عدم استعمالدن طولانی اعتراضی متضمن بشنجی قسم ایسه مادامکه بوحق قانوناً ریاسته بخش ایدلشدر ، بونک استعمال ایدیلوب ایدلماشیه ریاسته عائد حقوق تقدیریه دن اولدیغنی و بناء علیه تعرضدن وشائبه اعتراضدن مصون بولندیغنی جهتلرینه بناء سالف الذکر لایحه تمیزیده سرد ایدیلان اعتراضات غیر وارد اولدیغنی کی محکمه نك صرف تقدیرینه تعرضی حاوی اولان نتیجی قسم اعتراض ایسه هیچ بر وجه ایله شایان التفات اوله میه جغندن مارالذکر تمیز استدعاینامه سنک ردینه ۱۱ مایس ۳۲۶ تاریخده قرار ویرلدی .

~~~~~

محکمه تمیز جزا دائره سندن صادر اولان ۱۹ مایس سنه ۳۲۶ تاریخلی و ۱۵۵۶ نومرولی اعلام صورتیدر :

« افادات استنطاقیه نك حضور محکمه ده کی افادات اوزرینه ترجیح ایدلسی اسبابنك مجرمیت قرارنده تصریح ایدلماشی و مروی اولان سوزك منهی تحریکه سبب کافی اولوب اولمادیغنك بالذاکره قرارلاشدیرلماشی و خطاء ایقاع جرم ایدلیدیکنه دائر بعض احوال موجود ایکن محکمه جه نظر دفته آلتامسی مستلزم نقضدر »

اذمید سنجاغی بدایت محکمه سی جزا دائره سندن تنظیم و اعطای اولسان ۱ جمادی الاولی سنه ۳۲۸ و ۲۷ نisan سنه ۳۲۶ تاریخ و طقسان طقوز نومرولی اعلام ایله اوراق متفرع سی باش مدعی عمومیلک مأموریت علیه سندن تصدیق طلبنی متضمن ۱۹ جمادی الاولی سنه ۳۲۸ و ۱۵ مایس سنه ۳۲۶ تاریخ و بیک درت یوز تیش یدی نومرولی تبلیغنامه ایله محکمه تمیز جزا دائره سنه اعطا اولمشدر .

اعلام مذکورك خلاصه مالی ۳۲۵ سنه سی مایسنك طقوزنجی بازار کونی کیوه قضاسنه تابع طراقلی ناحیه سنك اولیجق قریه سندن مانظار اوغلی مصطفی اونباشی کریمه سی عایشه یی ییاقله جرح و قتل ایدلیدی ادعا قلنمسندن دولای جنایتله اتهام اولسان قریه مذکورده دن عبدالله اوغلی عارف بن حسینك اجرا قلنان محاکمه و جاهیه و علنیه سی نتیجه سنده مهتم مرقومك مهوراً فعل مذکورده جرأتی حنیف، ایله ساکنه نك محافاً و شهود سائر نك بلا تحلیف و علی الدرجات واقع اولان شهادتلی مضبطه ورقه سی و طیب راپوری مندرجاتی و مدعیه نك حصر ادعای ایله ثابت اولدیغندن مجرمیتنه و حرکتنه توافق ایدن قانون جزانك یوز تیش دردنجی ماده سنه تطبیقاً اون بش سنه مدته کورکه قونلنسنه حکم اولندیغندن عبارتدر .

اوراق دعوی قرائت و مطالعه ایدلکدن صکره تدقیقات تمیزیه اجرا اولندقدده کرچه تبلیغنامه ده موافق اصول و قانون اولدیغندن بختله اعلام مذکورك تصدیقی طلب اولنیورسده مدار تجریم اتخا ایدیلان مهتک همشیره سی ایله والدلری امینه لرك نظر قانونده محکمه یه سوجه مدار اولمقدن بشقه بر تأثیری بولنمیان منکری بولندقلری افادات استنطاقیه لرینك اصل تقدیر حکام ایله حائز تأثیر بولنسی واجب اولان حضور محکمه ده کی افادلری اوزرینه ترجیح ایدلسنك اسباب موجب سی مجرمیت قرارنده تصریح اولنماش و یکدیگرینه اولان ابتلا لری حسینله متوفیه عایشه نك ابوننك رضاسی خلافده اوله رق و قعه دن یدی ماه مقدم مهتک دائره زوجیتنه کیرمش و بوتون بومدت ظرفده امتزاجلرینه مخالف ذره قدر برشی وجوده کلامش و حتی متوفیه جرحك قضاء و قوعبولدیغنی بیانیه زوجی علینده دعوی اقامه سی حیاتنك صوک دقیقه لرنده بیله تجویز ایتامش اولمسیله بین الطرفین راسخ بولندیغنی ثابت اولان صداقت و محبت قویه یه قارشى جرمك ایقاعنه سبب اولدیغنی مروی بولسان مهتک برادری راشدك مهتمه خطاباً ( سنك زوجك عایشه نك باشنك اورتوسی کوی اولرنده کمزیورمش یا ) سوزی جرم مسندی ارتکاب ایچون مهتمی تحریکه سبب کافی اولوب اولمادیغنی بالذاکره قرارلاشدیرلماش و مهتک همشیره سی امینه و مرقومه دن وقعه یی نقلاً اخبار ایدنلر طرفندن متوفیه عن قصد مهتم طرفندن جرح ایدلیدی افاده اولنمش و مهتک والد سی ایسه افاده استنطاقیه سنده متوفیه یی سبب مرویدن ناشی ضرب ایچون مهتک آلدیغنی صوبای الندن آلدقندن صکره انا سن قاریشمه بن اورتی یی صوره جنم دهنسه قارشى کنیدیسی ده براق دیمش ایسه ده کنیدیسی قاقوب قپونك یانسه دوشدیکنی و قاقنجه یه ندر مزبوره عایشه انا بن یاندم دیمسیله نه اولدی دیه صوردیغنده عارفك ییچاغی قارنمه کلدی دیدیکنی و مهتک قائم برادری مصطفی دنخی عارفدن صوردیغنده المده ییچاق واردی انام آرقه مدن زوجهم ده اوزریمه کلدی ناصل اولدیغنی آکلایه مدم برشی اولیوردك دیه سوبلیدیکنی حضور محکمه ده افاده ایتمش و مهتک والد سی امینه ایله قائم برادری مصطفی نك شوافاده لری نتیجه فعل جرحك مهتم طرفندن خطاء ایقاع ایدلیدیکنی مشعر بولنمش ایکن محکمه جه نظر دفته آلتامش اولسی نقضی مستلزم اسباب قانونیه دن بولنمش اولمغله اصول محاکمات



جرائیه قانونك اوچيوز اون دردنجی ماده سنه توفيقاً اعلام مذكورك تقضيله احكام قانونيه دائره سنده ايفای معاملہ اولمق اوزره اوراقلق محلله اعاده سنه وايکی يوزغروش اعلام خرجك ايلروده حقسنر چيقه جق طرفدن تحصيلنه ۱۹ مایس سنه ۳۲۶ تاريخنده اکثریتله قرار ویرلدی .

## مسائل انتباه

ارضروم ولايته تابع رفاهيه قضایى ناى و بدايت محکمه سی رئيسی کشفی واعضادن محمد و پیلوس افنديلرک وظیفه قانونیه لرینی امر اجرا ده بلا سبب صحیح تراخی و قصور ایتک صورتیه وظیفه لرینی سوء استعمال ایلدکلى امور جزائیه دائره سنجه تدقیق اولنان تحقیقات اوراقلندن نمایان اولسنه و حرکت واقعہ لری مسئولیت قانونیه یی مستلزم بولمسنه بناءً مومی الیهمک محاکمه التمه التمه سنه عدليه نظارت جلیله سنندن امر مآذونیت اعطا اولمشدر .

## قسط غیر رسمی

### مسئله حقوقیه

مدعی ، مدعی علیهدن سکا اون بش آلتون قرضا ویردم ایسترم ديه دعوی ومدعی علیه دخی مبلغ مزبوری زیده ویر دیو بکا ویر مشیدک بن دخی آکا ویردم ديه ادعا ایلسه مدعی علیهک شوسوزی دفع ویرون اثباب ایتک حق و صلاحیتی آکا عائد میدر ؟ یوقسه قرضی انکار اوله رق عقد قرضی تبیین ایتدیرمک وظیفه سی مدعی یه راجع میدر ؟

دفع اولدیغنی تأیید ایدن نقول شونلردر .

۱ — زید عمرودن برخصوصک تمشییچون رشوت طریقله سکا شوقدر آچه ویرمشیدم دیو دعوی ایتدکده عمرو سن مبلغ مزبوری بکا بکره ویر دیو ویروب بن دخی امرک اوزره بکره ویرمشیدم دیو دعوی ومدعی علیه اقامت بینه ایدیجک زیدی دفعه قادر اولورمی الجواب اولور فتاوی علی افندی .

قرض ، شول عقد مخصوصدرکه مثلی رد اولمق اوزره مال مثلك آخره دفع واعطاسی اوزرینه وارد وایجاب وقبول ایله منعقد وقبض ایله تمام وملکیتی مفید اولور . یعنی مستقرض مقروضی قبض ایتدکده عندالطرفین آکا مالک ومستقرضک ذمتده مقروضک مثلی ثابت اولور .

رشوته کلنجه مرتشی آکا مالک اولاماز ، ولوکه راشینک ایشی تمامیه کورمش اولسون . بناءً علیه رشوت موجود ایسه عینا ومستهلک ایسه بدلا صاحبنه وصاحبی وفات ایتمش ایسه وارثنه رد اولمق لازم کلور .

مرتشی وفات ایتدکده وارثی دخی رشوته مالک اولاماز . راشی یه رد واعاده ایتسی ایجاب ایدر . حتی کسی حرام اولان برکیمسه وفات ایدنجه ورثه سی اموال متروکهک اصحابنی بالتجری بولنور ایسه آنلره رد وبولنماز ایسه تصدق ایتلری ایجاب ایدر .

ایمدی کرک مقروض کرک رشوت مستهلک اولنجه بدلاً صاحبنه رد ایدمک لابد اولدیغنه کوره رشوت دعواسنده فلان ویرمک اوزره ویردک بن دخی آکا اعطا ایلدم سوزی دفع اولدیغنی کبی دعوی قرضده دخی دفع اولمق اقتضا ایدر .



قرضه دفع دكلدر دينلسه يافتا وای على افدينك سنانف البيان فتواسى طوغرى دكلدر ديمك ياخود رشوت ايله قرض بيننده اختلاف احكامى مستلزم فرق بولمى لازم كلور .

٢ — ادعى على آخر انى دفعت اليك عشرة دراهم قرضا فقال المدعى عليه بلى دفعت الى عشرة دراهم الا انك امرتى ان ادفعها الا فلان فدفعها اليه فان اقام على ذلك بنية تدفع الخصومه عن صاحب اليد والا فلا واقعات المفتين فى الدفع .

٣ — ادعى على آخر عشرة دناتير فقال المدعى عليه فى الدفع هو دفع الى وقال الى ادفع الى فلان وقد دفعت صح الدفع خلاصه فى دعوى الدين .

٤ — برهن عليه انه دفع اليه عشرة فقال دفعته الى لادفعه الى فلان فدفعت يصح الدفع الوجيز للكردرى . بوصولك ايكى نقلك ظاهرندن افاده مذكوره نك دفع اولدينى آكلاشيلور . مكره مسئله تخصيص ايديلهرك مقصد « مدعى اون آلتونى وديعه ويردم و مدعى عليه فلانه ويرمك اوزره ويردك » ديمكدر دنيله . لكن بوجه محرر تخصيص ايجون اسباب موجبه اولمغله برابر صورت نقلده مدعى مدعاسنه اقامه بنيه اتمش اولمق اوزره كوسترلمش وينه منكر عليه اقامه ايديلهركى دركار ومستودع وديعه يى انكار ايتديكى آنده وديعه اولمقدين چيقارق حال مضمونى اكتساب ايدى جكى آشكار بولمى اولمغله بالخاصه دوت نمرولى نقلك بوجه مشروح تأويل ايدلسى غير جائدر .

اوج نمرولى نقلده كى مدعابه دين اعتبار اولنجه — مسئله نك دعواى دين عنوانى تحتنده مذكور اولمى بونى تأييد ايدر — افاده مذكوره نك دفع اولديغه اصلا اشتباه قاز .

٥ — ادعى عليه انه اخذ منه الف درهم بغير حق وهلك عنده وبرهن خصمه انه اخذه بحق تقبل بنيه . الاخذ لانه يدفع المدعى لانه يدعى الضمان ويدفعه بالينه جامع الفصولين فى الحادى عشر .

بونقلده محل استشهاد « لانه يدعى الضمان ويدفعه بالينه » عباره سيدركه مسئله مزده دخی حكم بويلددر . زيرا مدعى القرض ضمانى ادعا ايتديكى حاله خصمى ضمانى دفع ايدىيور . مع ذلك مسائل فقهيه نك دلائلى احكام كلييه اثبات وانتاج ايمز .

انكار اولديغى تأييد ايدن نقل دخی شودر :

ولو قال المقر اخذت منك الف وديعه فهلك فى يدى من غير تعد وقال المقر له بل اخذتها منى حال كونها غصباً ضمن المقر ماقر باخذه لانه اقر بسبب الضمان وهو الاخذ ثم انه ادعى مايوجب البرائة وهو الاذن بالاخذ والآخر ينكر فالقول قوله مع بيمنه بخلاف ما اذا قال المقر له بل اخذتها قرضا حيث يكون القول للمقر له لانها تصادقا على ان الاخذ حصل باذنه وهذا لا يوجب الضمان على الاخذ الا باعتبار عقد الضمان فالمالك يدعى عليه العقد وذلك ينكر فالقول قول المنكر مجمع الانهر فى باب الاستثناء فى الاقرار .

بونقلك بخلاف ما اذا قال الخ فقره سنده دينايوركه مقر ، وديعه اولمق اوزره سندن بيك غروش آلم ديديكى حاله مقرله خاير ، قرضا آلك سوز قرضا آلك ديان مدعى ومقرلهك اولور . زيرا مقر ايله مقرله اخذك اذن صاحب مال ايله اولديغنده اتفاق ايتشلردر . بواخذ ايسه آخذ حقه موجبه ضمان دكلدر . مكره عقد ضمان موجود اولسون . مالك ايسه مقر اوزرينه عقدى ادعا ومقر عقدى انكار ايدىيور . سوز ايسه منكر كدر :

نقل مذكور مسئله مزده كى مدعى عليهك افاده سى انكار اولديغى اثبات ايدىيور . زيرا اولاً سوز نه وقت منكر اولور ايسه بنيه ديكر طرفك اولماسى قضيه سى كليه دكلدر . بناءً عليه بونقلده سوز قرضى انكار ايدن مدعى عليهك اولديغى تصریح ايدملكه بينه قرضى ادعا ايدن مدعى به دوشر ديه حكم اولنه ماز . نه كيم صرة الفتاوانك كتاب دعواسنده شويله مذكوردر : فيجوز ان يكون القول قوله والينه بينته كالودع اذا قال رددت الوديعه كان القول قوله ولو اقام اليه فاليه بينته انتهى .


ثانياً ، مسئله مزده مدعى ابتداء بن سكا قرضا ويردم ديه ادعا ايدىيور بونقلده ايسه مدعى عليه ابتداءً بن سندن وديعه آلم ديه اقرار ايتدكدن صكره مدعى خاير قرضا آلك دىيور . بو ايكى افاده آره سنده بعضا فرق واردر . آتى الذكر نقل شوفرقي ايصاح ايدىيور :

ولو قال المقر بدل اخذت اعطيتى وديعه لا يضمن المقر لانه لم يقر بما يوجب الضمان بل اقر بالاعطاء وهو فعل المقر له فلا يكون مقر اعلى نفسه بسبب الضمان والمقر له يدعى عليه سبب الضمان وهو ينكر فالقول قوله مجمع الانهر ودر متقى .

انكار اولديغى تأييد ايدن ديكر نقل :

اخذته منك عاريتيه وقال لابل بيعا فالقول لا اخذ لانكاره البيع وكذا لو قال اخذت الدراهم منك وديعه وقال لابل قرضا بزايه فى الاستثناء من الاقرار

على صبير



### اسباب نقضيه

— ١٣ — نومرولى نسخندن مابعد —

وكيل مدافع هيئت اتهاميه مضبطه سيله اتهامنامه ده عليهنه فعل مدعابه اسناد اوانان متهمك حاضر بالحاكمه اولان موكلى اولديغى اثبات ايدى جكنى سويلش وثبوت جرمدن اول متهمك هويت شخصيه سنك تدقيق لازمه دن بولمى ايكى بو جهت حقه اجرأى تحقيقات اولنامسى نقضى مستلزمدر .



۲۶۷ نجی ماده احکامی که شاهدی حقنده اجرائی لازم کلاں تدابیر احتیاطیه رئیس محکمه طرفندن اتخاذ اولمنازه بوحال نقضی موجب احوال دن عد ایدیه من .

بناءً علیه بر شاهدک کج گکش و یا محاکمه او طه سنده قالمش و یا خود تخصیص اولنان او طه یه چکله ماش اولسندن طولانی شهادتک عدم استماعنه محکمه استیناجه قرار ویریه من .

بر شاهدک استماعی اناسنده دیگر شاهدک تخصیص اولنان او طه ده بولندقلزینه دائر ضبط ورقه سنده قید بولنسه نقض حکمی مستلزم اوله من .

شاهدک بشقه بشقه منفرداً استماعی یالکنز افادات واقع لرینه عائد و منحصر در . یوقسه اجرای تحلیف اناسنده هپسی برلکده بولنسه معاملات واقعیه خلل کنز .

۲۶۶ نجی و اشبو ۲۶۷ نجی ماده احکامی که اخبار ماده ایدجک حقوق عمومیه شاهدلرینک اثنای محاکمه صردسیله متسلسلاً جلب و علناً استماع اولملری لازم کلورایکن بوقاعده قانونیه رعایت اولمناستندن ناشی حکم واقع محکمه تمیزدن نقض ایدلشدر .

کوک ماده سابقه و کک ماده مشروحه ایجابجه شاهدلر علیه و قوعبوله جق طعن و اعتراضات محکمه جه تدقیق لازمه دندر .

بو مسئله حقنده محکمه تمیزدن ویریلان قرار اسباب آتی قانونیه مبتنی بولنشدی .

متهملر طرفندن واقع اولان اقرارک کرهاً صدور بر طاقم شاهدلر ایله اثبات ایدیه جکی ادا اولنش و بو شاهدلرک اسامیسنی مین بر قطعه پوصلده اعطا قلمش و محکمه جه بو جهتک بر درجه یه قدر تدقیقات و محاکمه سنده کیریشلمش اولدینی حالده اعلامک مجرمیت قرارنده اعتراضات مسروده نک صحت و یا اهمیتی حقنده برکونه مذاکره جریان ایتدیکنه دائر اشارت کوریه ماش اولدیغندن ۳۱۴ نجی ماده ایجابجه بو سیدن ناشی اعلامک تقضه قرار ویرلشدر .

### اصول تحلیف

۲۶۸ نجی ماده نک مین اولدینی امر تحلیفی تصویر ایدن جمله لردن برینک ترک و یا تغییر و تحویلی نقض حکمی مستلزمدر .

بناءً علیه شاهدلرک خوف و خشیت و غرض و خصومه مبنی و ارتق اکسک فضله و نقصانی اولیه رق حقیقت حالی بیان ایدجکلرینه مخصوص اولان شرائط معینه دن برجهتی بیان ایله تحلیف اولنسی اسباب نقضیه دن عد اولنور .

مثلاً شاهد « خوف و خشیت مبنی اولیه رق حقیقت حالی بیان ایدجکنه » مین ایدوده « غرض و خصومه

مبنی و ارتق اکسک اولیه رق بیان ایدجکنه » مین ایتسه و یا عکس قضیه صورتیه تحلیف اولنسه نقض اساسی نی ایجاب ایدر .

اشبوماده قانونیه احکام مندرجه سنه توفیق معامله یی تصریحاً و یا تعریفات قانونیه یه و یا خود هیچ اولنازیسه اصول وقاعده سنه توفیقاً شاهدلرک تحلیف لری اجرا اولدینی اعلام و ضبط سامه لرده کوسترلیموده یالکنز مع التحلیف و یا مع القسم شاهدلرک استماع اولندقلرینک بیانیه اکتفا ایدلسی محکمه تمیزک متعدد مقررات نقضیه سندندر . بوسورت محکمه تمیزک هیئت عمومیه سنجه دخی بالقبول بومثللو اعلامات حکمیه نقض ایدلمکده در . شاهدک اهلیت شهادتی حائز اولسی حین شهادته مشروط اولوب معاینه مشهود بیده غیر لازم بولندینی حقنده موضوع اولان قاعده کلیه کوره احوال مماثلده شاهدلرک بالتحلیف استماعه قرار ویرلسی موجب نقضدر . رئیس محکمه حائز اولدینی مأذونیت قانونیه مبنی بر شاهد استماع ایتسه مؤخرأ اول شاهدک بالتحلیف ادای شهادت ایتسی جائز اولور .

مجازات تهریه ایله محکوم ایدنش اولان شخص بالتحلیف معلومات قیلندن اوله رق استماع اولنه بیلور . محکوم اولان و یا صغیر السن بولنان شهودیه اظهار حق شاهدلری تحلیف ایدلش اولسه اسباب سائره منضمه ایله موجب نقض عد اولنه بیلیر .

امر تحلیف مدعی عمومینک و یا خود انک مقامنه قائم اولان وکیل قانونینک حضورنده اجرا اولنق لابدر .

امر تحلیف عربجه (واللهی) و (باللهی) بومقامده (تاللی) دخی دینیلور . فارسیجه (بخدا سوکند میخورم) ترکجه (الله اند ایچرم) تعیرلری دخی یمیندر .

صنف جلیل عسکریدن اولنلرک اثنای تحلیفه سلاحلری چیقارملری عادات مستحسنه محکمه دن بولنشددر . نشانه جلادت و صفت مقدسه و طنپوری و سعادت اولان سیف صارم سطوت ، تقلید بمیان حرمت اولدینی حالده برعسکرک تحلیف اولنسی دخی جائز کوریلور .

هر بر شاهدک منسوب اولدینی دینک کتابی اوزرینه تحلیف ایدلسی معاملات مرعیه دن بولندینی محکمه تمیزک جمله مقررات سندندر .

ایجاب دیانته کوره برهنه سرفرو برده تعظیم و احترام اوله رق یمین ایتک مناسبدر .

شاهدلرک اشبو ماده احکامی که یکان یکان استماع ایله شهادت لری بیان اولندقدن صکره حقیقت حالک ظاهره اخراجی مقصدیه جمله سنک دخی یکدیگری مواجهه سنده بردن استماعه ابتدار ایله مثلاً بر شاهدک دیگرلری کبی افاده ده بولندیغنک درمیانیه اکتفا اولنسی نقض حکمی مستلزم اولور .

ایشته شاهدلرک قبل الاستماع تعریف قانونی دائره سنده تحلیف لری اجرا اولندیغنک اعلام و محاکمه ضبط سامه سنه درج اولنامسی نقضی استلزام ایدر .



مع مافيه هر شاهدك بشقه بشقه تحاييف اولنديني ذكر ايدليوبده جمله سنك اصول وقانونه توفيقاً يمين ايتدكاري تصريح ايداسه كافي عد اولنه بيلير .

رهبان و خاخاملرك اصول تحليفلرينه دائر ۹ ربيع الآخر سنه ۱۳۰۸ و ۱۰ تشرين ثاني سنه ۱۳۰۶ تاريخيه نشر اولان فقره نظاميده رهبان و خاخاملرك محاكم حقوقيه و جزائيه ايله استنطاق دائره لرجه تحاييفلري لازم كلكده آينلري وجهله تحاييف ايدلك اوزره منسوب اولدقلى بطريقخانه و متره پوليد و مرخصه خانه و خاخاخانه لره كوندرملري و تحليف اولنوب اولندقلى جهتك منسوب اولدقلى بومر جملدن بامذكره بيليرملري لزومي كوسترلندر .

ماده قانونيده صورت تحليف حقنده مندرج اولان احكامه عدم رعايت حائده و يريله جك اعلامك نقصني لازمه دن اولديني كي رئيس محكمه نك شاهدلره خطاباً ايراد ايتسي لازم كلان اسله صورلماش اولسه جهت مبسوطه ايله برابر بوندن طولاني دخي اعلامك نقصني طرفه كيديلور .

ماده مشروحه نك فقره اخيره سي موجبجه شاهدلرك حضور محكمه ده شفاهاً اجراي شهادت ايتلري واجبات امور دندر .

انجق برشاهدك اثنای تحقيقات و محاكمه ده وفات ايتديكي ويا محكمه يه جلبى ناقابل بر محله عزيمت ايلديكي تحقق ايدرسه اولخالده افادات مضبوطه تحريريه سنه مراجعت اولنه بيلير .

شاهدلرك عندالحاكمه شفاهاً اداي شهادت ايتلرندن مقصد قانوني خصم مواجهه سنده كي افادادن حصولي طبيعي اولان تاثيرات سائقه سيله حق وعدلك تأميني و كرك مدعى عمومى و كرك متهم طرفندن واقع اولان سؤالل اوزرينه شاهدلرك افاده لرنده اختلاف پيدا اولوب اوله مديغك تعيني خصوصندن عبارتدر كه شوخالده شاهدلرك شفاهاً و علناً اداي شهادت ايتلري لزومي دركاردر .

بركيسه اهل وقوف صفتيله تحليف اولندقدن صكره شاهد صفتيله افاداده بولمق لازم كلسه بشقه جه تحاييفي مقتضيدر .

برطيب شاهد صفتيله تحليف اولنه رق افاده سي النصدقن صكره رئيس محكمه حائز اولديني مأذونيه بناءً معلومات قيلندن اولمق اوزره برطب قانوني مسئله سنه دائر كندوسندن بلا تحليف استيضاح ماده ايتسه جائز اولور .

شاهدلرك كرك متهم و كرك مدعى شخصيه بر كونه قرايتلري اولوب اولمديغك رئيس طرفندن سؤال اولمىندن مقصد قرايتلري تقديرنده رد شهادتلري جهتي اوليوب زيرا مدعى شخصينك اقرباسندن اولنلرك شاهد مقامنده استماعلري ممنوع اولديغنه دائر قانونده برصراحت اولمديني كي متهم اقرباسندن دخي يالكنز ۲۷۳نجي ماده ده تعيين انسان احوالده درجه قرايتلري اولنلرك اداي شهادتدن ممنوع اولدقلى دركاد

بولنديغنه نظراً بو سؤالل مقصد مدعى شخصي و كرك متهمك بوجهتلر حقنده كسب معلومات ايله ايتدكاري بولده شاهدلرك استماع ويا عدم استجوابي ايچون سرد اعتراض ايده بيلمليرك تأمينندن عبارتدر .

مدعى شخصي اولان طرفك اقربا و واقعاتنك ۱۴۶نجي ماده قانونيه دن استدلال اولنديني اوزره شاهد اولدقلى استماعلرينه جواز قانوني كوسترلسي حقوق عموميه دعواسنده مدعى شخصينك طوغريدن طوغري يه مدخلى اليبوب دعواي واقعه نك مدعى عمومى طرفندن اقامه اولمش بولمسي حكمتيه مبنى ايسه ده مع مافيه مدعى شخصينك اقرباسي اداي شهادت ايتدكاري تقديرده شهادت واقعه بناي حكم ايچون بر مجبوريت قانونيه ي متضمن اوليوب بونك تقدير ماهيتيله حكمه مدار عد اولنوب اولنه ميه جغك تعيني محكمه جنائينك وجدان فطائنه محول مواد دندر .

مدعى شخصي ايله مشتكينك معلومات قيلندن اولمق اوزره رئيس محكمه طرفندن افاده لرينك المنسنده قانوناً بر كونه بأس يوغيسته ده بالتحاييف شاهد صفتيله استماعلري قانوناً جائز دكادر .

انجق متضرر اولان شخص مشتكي ويا مدعى شخصي صفتلريني اكتساب ايتماش اولديني تقديرده مع القسم شاهد صفتيله استماع اولسه جائز اولور .

شهود مستمع نك اشيو ۲۶۸نجي ماده موجبجه اصولي دائره سنده تحاييفلري اجرا اولمامسندن وماده مشروحه ده معين اولان معاملات توفيقاً عندالحاكمه استجواب قلماسندن طولاني اعلامات لاحقه نك نقصي محكمه تميزك جمله مقررات متعدده سننددر .

كذلك شاهدلر حقنده اولان ۲۶۸نجي و ۲۶۹نجي و ۲۷۰نجي ماده لر احكامنك اجرا اولنديغنه دائر محاكمه ضبطنامه سننده صراحت كوريله مامش وهر حالده جلب و استماعي طلب اولنان بعض شاهدلرك دخي استجوابي مقتضى بولنديني حالده بوقاعده قانونيه رعايت ايدلماش اولديغنه و نواقص مبسوطه ايسه نقص حكمي مستلزم اسباب قانونيه دن بولنديغنه اصول محاكمه نك ۳۱۴نجي ماده سنه توفيقاً حكم واقعك نقصنه تميزاً قرار ويرلشدر .

۲۶۹نجي ماده احكامنه نظراً رئيس محكمه شاهدلرك افادانده ظهور ايدده جك اختلافاتي ضبط كاتبنه ضبط ايتدير مكه مجبور اولديغندن معاملات مذكور نك عدم اجراي نقص حكمي مستلزم اولديني كي اختلافات واقعه نك قيد و اشارتي ماده مشروحه نك فقره اخيره سي موجبجه كرك مدعى عمومى و كرك متهمك وكيلى طرفندن طلب اولنوبده اشبو طاب قانوني نظر تدقيقه آلماش ايسه بوده نقص حكمي استلزام ايدر .

شاهدك افادات شفاهيه سيله شهادت سابقه تحريريه سي مياننده اختلاف وقوع بولمديغك تحقيقى ضمننده متهمك افادات مضبوطه ي قرائت ايتدير مكه حق و اردر . شايد اختلافات اوزرينه مدعى عمومى ايله متهم وكيلى بيننده عدم اتفاق كي احوال ظهور ايدرسه بونك حلي محكمه نك قرايله اولور . بو باده محكمه تميزدن ويريلان قرار اسباب آتياه مبتى ايدى .

محكمة تميز اعضاسندن

طلعت





## استنطاقك صورت اجراسنه دائر بعض قواعد اساسيه

— اون اوچنچي نسخه دن مابعد —

۵۸ — بعضاً جهت ملكيه مخبرخفيار طرفدن واقع اولان اخبار اوزرينه بالتجري برشخصك خانه ويا مشتملاتده آلات مخربه ويا اوراق فساديه ظهور ايتكده اولوب منافرت سائقه سيله اتلاف نفسه قدر متجاسر اولانلرك ينه اوسائقه ايله مفتر يانده بولنه بيلملي ده مستبعد اولماديغندن بويله بر حال وقوعنده ومظنونك اومشله ده ذيمدخل اولديغني تأييد ايده جك احوال سائر بولماديغني وايشده شائبه غرض حس اولنديغني حالده آلات ويا اوراقك اخفا ايدليكي محله نظراً خانه صاحبك معلوماتي خارجنده اوله رق طيشايدن بر شخص طرفدن برلشديرلمسي امكاني موجود اولوب اولماديغنيك خانه ويا مشتملاتنك نره سنده ظهور ايتديكنك مكملاً كشف وضبط ورقه سنه درج ايديله رك تحقيقاتك هر نقطه نظردن تعميق دخي ممكن ايسه برده قروكيسنك تنظيمي ومخبرك هويتي بالاستيضاح بيلديرلديكي صورتده طوغريجه كندوسندن استيضاحاتده بولنلمسي ومحدور مطالعه ايله هويتي بيلديرلمديكي تقديرده آلات ويا اوراقك اوراده موجود اولديغني اخباردن قاچ كون اول نه صورت ووسيله ايله مطلع اولديغني وجهات سائري هويتي ينه بيلديرلما مكله برابر بالواسطه مخبرندن ايضاحات ايسنلديكن صكره حقيقت حالك ظاهره اخراجنه عائد اوله جق بر صورتده تحقيقاتك توسيع ايدلمسي لازمدر .

۵۹ — مستنطقلر انحق حقنده مدعي عموميلكجه حقوق عموميه دعواسي اقامه ايله تحقيقات اجراسي طلب اولنان كسان حقارنده تحقيقات اجراسنه صلاحيتلري موجود اولوب طلبنامه ده اسملري مندرج اولميان وفقط اثنای استنطاقده جرمده اشتراكى افادات واخبارات اخيره دن نمايان اولان اشخاص ايچونده استنطاقنامه ك توديعيله مدعي عموميلرك بو خصوصده ده طلب وادعاليه مراجعت ايتلري ايجاب ايدر بعض محل مستنطقلري كي بلا طلب رأساً بر شخصه مظنونيت صفتي ويرلما مليدر .

۶۰ — بالكفاله ويا بحق تخليه سبيل مستدعياتي اوزرينه ده احكام قانونيه دائره سنده معامله لازمه سنك ومدعي شخصي وارسه معامله تبليغه سنك اجراسيله قبول وياردينه دائر مستنطقلركجه هر حالده برقرار اعطاسي وقبولي حالنده صورتك مدعي شخصيلره تبليغ ردی تقديرنده مظنونلره تفهيم ايله اعتراض كي حق قانونيلري استعمالدن هيچ بروجله مخروميترينه امكان براغلاملي منع محاكمه قرارنامه لر ينك ده مدعي شخصيلره بعد التبليغ علم وخبرينك اوراقي مياننه وضعله مرجعنه اوصورتله توديع ايدلمسي وتخليه سبيل استدعاسي وقوعنده اصول جرائيه نك يوزاون اوچنچي ماده سي نظردقته الهرق صورتك مدعي شخصي به تبليغي واستدعاده مغدورلر

اصولك التمش برنجي ماده سي وجهله دعواي شخصي وضرر وزيان واتضمينات طلب وادعا ايتدكجه قانوناً مدعي شخصي صفتي اکتساب ايتيه جكارندن بوجهنك اثنای تحقيقاتده تدقيق .

۶۱ — اخناق صبي جرائمده مولود ميدانده ايكن فتح ميت ومعاينه رنه عملياتك اجراسندن ذهول وقوعي بالاخره تفسيله بو عمليه دن برتيجه استحصالی قابليتني امكانسز بر اقدیغندن عقيب جرمده چوجنگ بر حیات اوله رقي يوقسه ميتامي تولد ايتديكنك اصول مخصوصه فنيه سنه توفيقاً صورت قطعیه ده كسديرلديكن صكره نتایج حاصله يه كوره ايجابات قانونيه نك ايفاي لازمه دندر .

۶۲ — بعض محال مستنطقلرينك معاملات استنطاقيه لرنده كورلديكي وجهله مثلاً ضرباً بر قتلده سكر اون شخصك سلاح وبالطه ايله هجوم ايتدكاريني صورت مطاقه وبهمده اخبار ايدن كسانك بياناتيله اکتفا ايدلمكده وتعميق ماده قلنامقده ويا مقتوله اصاب ايدن متعدد مرملردن يالكرز بر يا ايكيدي منتج موت اولديغني وديكرلرينك سبب موتی اوله ميه جنی طيب طرفدن با راپور بيان ايدلمكده اولديغندن بو كي احوالده منتج موت اولان ضرب ويا جرح فعللري بونلردن كيمك طرفندن وقوعه كتورلديكنك وديكرلرينك تجاوز وتعرضلري ماهيتك وهر برينك نه كي الات واساحه ايله تعرض ايتدكارينك يكان بكان شهوددن استيضاحله جرمده كي اشتراكلي درجه سنك ماده ميدانه اخراجي وكذلك بر تعطيل عضو جنايتده متعرضلر اوچ شخص اولدقلى حالده تعطيل عضو برينك استعمال ايدليكي آلت جارحه ويا ناريه دن متحصل اولديغني حالده ديكر مظنونلرك درجه اشتراكلرينك آكلاشلمسي ايچون حاضر وندن ومتعدى عليهم ايجابي وجهله ايضاحات ايسنيله رك بو جهات مهمه آكلاشلمه دن كافه سنك موهومات وعنديات ايله مرجعنه سوقدن توقی ايدلميليدر .

۶۳ — جلب مذكوره لري معاملات تبليغه لر ينك صور اجرائيه سي اصول محاكمات حقوقيه قانونك بكرمي بشنچي ماده سنده مصرح اولوب قريه ويا محله مختار واعضاسنه ويا مخاطيله برلكده اقامت ايتيان ديكر بر شخصه واقع اولان تبليغ غير قانوني اولوب بويله بر تبليغه احضار مذكوره سنك اسطاري ده سبب قانوني يه مستند اوله ميه جغندن تبليغات بولنده اجرا ايدلميان احوالده يكيدن جلب مذكوره لر ينك تسطيره برابر بو يولسز لغه وتحقيقاتك تأخيرينه سببیت ويرنلر ايچون با مذكوره مرجعك نظر دقتي جلب ايدلملي .

۶۴ — سابقاده ذكر وايضاح اولنديغني وجهله جسم جرمك احكام قانونيه دائره سنده فنا ثبوتی الزم وبوندن هيچ بر صورتله فراغت غير جائز اولمسندن كرك قتل وكرك جرح وسرقت والحاصل آتاري ميدانده اولان جرائمدن دولاني محنده اجراسي لابد اولان وآراده زمان مرويله آثار جرمك زوالندن صكره نتيجه يه وصول درجه استحاله يه كلسيله حقوق عموميه ايچون تلافيسي غير قابل بر ضرري توليد ايدن معاينات وكشفيات اجراسيله ارباب فندن راپور وكشفنامه اخذندن بعض قضا مستنطقلرينك معاملاتنده



کورلدیکی وجهه قطعاً میدان ویرنامسی و جرائم غیر مشهودده دخی لزوم کورلدیکه کشفیات اجرا سندن صرف نظر اولنماسی لازمدر .


۶۵ — هر شاهدك معلومات و مشهوداتنه آیری آیری مراجعتله اعطایده جککری تفصیلاتی عیناً استنطاقنامهیه کچورلمسی مقتضی اولسنه کوره بنض قضا مستنطقلرینك معاملهیهی وجهه شاهدك افاداتی بر محله بردن ذکرله ضبطنامه شکننده استجوابنامهك بر صحیفه سسنه بر قاج سطرله قید و ضبط ایتدکدن صکره زیرلرینه کافه سنك امضالرینك وضع ایتدیرلمسی ویا (اولکی شاهدك شهادتی دائره سنده اعطای معلومات ایتشد) کچی احکام قانونیه ایله غیر قابل تألیف معاملاته میدان براغلاملی .

۶۶ — استرداد توقیف معاملهیهی حقدده توقیف مذکورهی ویریلان بر شخصك ایشده ذیمدخل اولمادیقی تدقیقات اخیردن آ کلاشلمسی و تحقیقاتك انتاجیده کندیسنه متعلق اولمیان دیگر بعض مظلونله متدائر معاملاتك اکلانه متوقف اولدیغك نمایان اولسی و بونله مائل دیگر اسباب قانونیه طولایسیله مغدوریه میدان ویرنامك اوزره قانونك امر و تنسیب ایلدیکی بر معامله دن عبارت اولوب دلائل قانونیه غیر موجود ایکن محضا او مظلونه عائد تحقیقاتك امتداد ایتش اولسندن بچمله امر توقیفك استردادی جهته کیدمك کچی قانون شکنانه معاملات اجرا سندن توق و مواد قانونیهك نوع جرم و حادثه ایله تطبیق امرنده فوق العاده التزام دقت اولملی .

۶۷ — بر قریه ده مظلونیتی ادعا ایدیلان شخصله باباسی عین اسمده اولمق اوزره بر قاج شخص بولنه بیله جکی ممکن اولوب مستنطق طرفندن محضا بر غفلت و تسبب نتیجه سی اوله رق اسمی کچن مظلونك باباسی وسن و صنعتی و خصوصیه شهرتی لایقیه تحقیق و تعمیق ایدلما سنك ومدعی عمومی م اولنلرینك وظیفه قانونیه لرینی بحق ایفا ایتاملرینك و حقوق کره اهالینك دخی حقوق قانونیه لرینی محافظه ومدافعهیه اقتدارلری مساعد اوله ماملرینك نتیجه سی اوله رق طلب ایدیلان مظلونك دخی باباسنك اسملرینه تمامیه موافق دیگر بر شخص انك یزیه سهوا دردستله تحت توقیفه آلهرق آیلرجه حال موقوفیتده قالملرینه سببیت ویرلدیکی امثالیله مثبت بولندیقی جهته بالعموم ضابطه عدلیه مأمورلری مظلونلرک شهرتلرینی و اوصاف و اشکال مخصوصه لرینی ده بالاده مفصلاً بیلدیرلدیکی وجهه مکملاً تحقیق واستیضاح ایدیلهرک بو کچی بر خطا وقوعنه امکان بر اقیه جق صورتده هویتلرینك امر تعییننده پک زیاده اعتنا ایتلیدرلر .

باش مدعی عمومی باش معاونی

مظهر



[۱۴] نورولی جريدة عدليه محتویاتی

— قسم رسمی —

حقیقه  
نورولی  
۵۵۳

- |                                      |     |                                                                                                                                                            |     |
|--------------------------------------|-----|------------------------------------------------------------------------------------------------------------------------------------------------------------|-----|
| توجیهات عدلیه                        | —   | (۱) افراد عسکریهیه عائد دعوالرک سرعت رؤیت وتمقیبیه داث                                                                                                     | ۵۵۴ |
| تبلیغات عمومی                        | —   | (۲) مخبرات تلغرافیه ده کلمات زائده استعمالندن صرف نظر اولنسنه داث                                                                                          | ۵۵۵ |
|                                      | —   | (۳) اطنه ولایتی داخلنده کی (عرفیه) قضاسنك (جیحان) ، وارکلی قضاسنه تابع (دورک) ناحیه سنك (حمیده) نامیه قضایه تحول ایدلش ایشده بعدما اسم عتیقیله توسیمیه داث | ۵۵۵ |
|                                      | —   | (۴) جريدة عدليهك کالی دقتله مطالعه سی لزومنه داث                                                                                                           | ۵۵۶ |
| محکمه تمیز هیئت عمومییه مقرراتی —    | (۱) | رزییه متعلق دعاوینك مرجع رؤیتی محاکم تجاریه اولدیغنه داث                                                                                                   | ۵۵۶ |
|                                      | (۲) | صلاحیه متعلق مقرراتك ذات مسئله حقدده قرار قطعی لحوقندن اول قابلیت استینافیه وتمیزیه لری اوله جغه داث                                                       | ۵۵۹ |
| محکمه تمیز استدعا دائره سی مقرراتی — | (۱) | اشنای محاکمه ده موضوع بحث ایدلمیان احوال وکیفیاتك اسباب موجب صره سنده ذکر و بیان اولنسنك مستلزم نقض بولندیغنه داث                                          | ۵۶۱ |
|                                      | (۲) | مدعی شخصیلرک برائت قرارلرینك نقضی طلبه صلاحیتدار اولادقلرینه داث                                                                                           | ۵۶۲ |
|                                      | (۳) | دعوتیه ورقلرینه صورت تبلیغك تحریر و تصدیق لزومنه داث                                                                                                       | ۵۶۳ |
|                                      | (۴) | جلبی قابل اولامایان شاهدلرک استنباه صورتلرینه معلوماتلرینه مراجعت لزومنه داث                                                                               | ۵۶۵ |
|                                      | (۵) | آنحقی تشکیل طرفین ایله اصولی دائره سنده اتخاذ اولنان مقرراتك قابل تمیز اولدیغنه داث                                                                        | ۵۶۶ |
| محکمه تمیز حقوق دائره سی مقرراتی —   | (۱) | حضور حاکدن باشقه بر محله وقوع بولدیقی ادعا اولنان اقرارك اقامه شهود ایله اثباتی مسوع اوله میه جغه داث                                                      | ۵۶۷ |
|                                      | (۲) | قرض ایجاب و قبول ایله منعقد و قبض ایله تمام اوله جغندن مقرض مجرد ایجاب و قبول ایله مقروضی تسلیمه جبر اولنه میه جغه داث                                     | ۵۶۸ |
|                                      | (۳) | مأجورک ید غاصبده قالدینی مدت منافعنی طلب حق موجره عائد اولدیغنه وقوم غیر محصور دعوالرنده مدعی عمومینك بولندیراسی لزومنه داث                                | ۵۷۰ |
|                                      | (۴) | عقد اجاره اوزرینه تکلیف اولنان یمندن نکول ایله مجرد عقد عقد ایجاره ثابت اولورسده بدل ایجارك مثبت عد ایدیلهمیه جگنه                                         |     |



و وارث مدعي به كندى - قندين فضله سنك اعطائى جائز اولاد يافته

۵۷۱

داثر

۵۷۳

محكمة تمیز جزا دائره سی مقرراتی — (۱) احكام جزائیه ده تعاملك تأثیری اوله میه جفته داثر

۵۷۴

(۲) اعلام سابقك غیر منقوض قسمك اعلام اخیره درجی لزومه داثر

۵۷۶

(۳) مجرمیت قرارنامه سنده دلائل و اماراتك علی وجه التفصیل ذکر

۵۷۷

و توضیحی لزومه داثر

۵۷۷

(۴) تعیین سن معاملاتك اصحاب و قوفك جلیله اجرا سنده داثر

۵۷۸

(۵) توقات آتقی ویره یا تبریق کبی وقوع بولان تجاوزاتك فاعلی

۵۷۸

تحریرك ایدیه جک و معذور کوستره جک حالاتدن اولدیغه داثر

۵۷۹

(۶) مباشرلرک ترجان تعیین ایدیه بیلجه جکاربینه و برنجی قسم محاکمه ده

۵۷۹

تعیین و اخطارات قانونیه ایفا قلنان وکیل مدافمک اوچنجی قسم

۵۷۹

تکرار تعیین اولنسی اوزرینه اخطارات مذکوره نك تکرارینه

۵۷۹

محل اولاد یفته داثر

۵۷۹

(۷) افادات استنطاقیه نك حضور محکمه ده کی افادات اوزرینه ترجیح

۵۸۰

ایدلیسی اسبابك مجرمیت قرارنده تصریح ایدلامسی مستلزم

۵۸۰

نقض اولدیغه داثر

۵۸۲

(۱) اضروم ولایتیه تابع رفاهیه قضاسی ناظمی کشفی و اعضاءدن

۵۸۲

محمد و بیوس افندیلرک محاکمه آلتنه آلتدیغه داثر

### قسم غیر رسمی —

۵۸۳

محكمة تمیز حقوق رئیس علی حیدر بکک

۵۸۵

اعضاسندن طلعت

۵۹۰

(۳) استظافك صورت اجرا سنده داثر قواعد اساسیه « مابعد » باش مدعی عمومی باش معاونی مظهر

(۱) مسئله حقوقیه

(۲) اسباب نقضیه « مابعد »

## اعلام

### قرارنامه

اوچیز یکریمی بش سنه سی ایلونك یکریمی طقوزنجی کونی ککبوزه قضاسنه تابع داریجه ناحیه سنك ایا نیکنه محله سندن آویه رنیوس اوغلی آپوستولک جرح وقتندن طولای مظنون علیه اولوب هیئت اتهامیه جه جنایتله اتهام اولنهرق حقنده اخذ و گرفت امری ویرلمش اولان قریه مذکوره اهالی سندن اورته بویلی سیاه صاچ و قاشلی الا کوزلی بغدادی چهره لی سیاه بیقلی مطروش چکلی مقتول مرقومک اوغلی یکریمی درت یاشلرنده خرمبوو الیوم اثبات وجود اتمه مش اولدیغندن اصول محاکمات جزائیه قانوننك اوچیز یتیمش برنجی ماده سی موجبنه محکمه یه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمسکه اشبو مدت ظرفنده کلدیکی حالد کندوسنه قانونه اطاعت اتمه مش نظریله باقیله رق محاکمه سنك غیاباً بالرؤیه حقوق مدنیهدن اسقاط و اموالی حیز اولنهرجفی و بوائنده برکونه دعوی اقامه سنده حق اوله میه جفتی وعلینده دعوا یه قیام ایدیه جکی کی بولندیگی محلی بینلرک خبر ویرمکه و بالجمله ضابطه عدلیه مأمورلرینك کندوسنی در دست اتمک مجبور اولدقلرینی مین اشبو قرارنامه اصول محاکمات جزائیه قانوننك اوچیز یتیمش ایکنجی ماده سندن استنباط اولنان احکامه توفیقاً تنظیم و معامله جزیه حقنده تبلیغات مقتضیه سنك اجرا و سایر معاملات ایفا اولنمق ایچون نسخ کافیه سی مدعی عمومیلکه تودیع قلندیگی اعلان اولنور .

\*\*\*

اوچیز یکریمی بش سنه سی مارتنك یکریمی یدنجی کونی ساعت اون بچق راده لرنده آقسرایده چاقرا آفا محله سنده ساکن مدینه لی شریف حمزه افندی بن شریف هاشم افندی جرح و قتل ایتدیکی ادعاسیله متهم و محله مذکوره ده ۳۱ نومرو لی خانه ده مقیم مقتول مومی الیهک برادری شریف محمد افندیك معافیتنه داثر مقدما جنایت محکمه سندن صادر اولان ۱۳ حیزران سنه ۳۲۵ تاریخی اعلام استیناف مدعی عمومیلکی مأموریت بهیه سندن وقوع بولان استدعا اوزرینه محکمه تمیز جزا دائره علیه سنك ۵ نیسان سنه ۳۲۶ تاریخی اعلامی موجبنه نقض اولنهرق مع اوراق متفرعه اعاده اولنمق اوزرینه تشکیل طرفین ایله محاکمات و معاملات قانونیه نك ایفاسی لازم کلس و مومی الیهک بولدریله رق محکمه یه کتورلسی ایچون تواریخ مختلفه ده مدعی عمومیلکه یازیلان اوچ قطعه مذکره اوزرینه ضابطه جه اجرا ایتدیریلان تحریات نتیجه سنده مومی الیهک محل اقامتک و بوضورتله الیوم زده اقامت ایتدیکنك مجهول بولندیگی جواباً بیلدیرلمش اولسنه و نقض واقع



اوزرينه اجراي محاكمه لابد بولنسنه ميني اشبو تاريخدن اعتباراً محكمه يه كلسي ايچون جانب رياستدن كندوسنه اون كون مهل ويرلش ومدت مذكور طرفنده محكمه يه كلاديكي حالده حقنده كي محاكمه نك غيابة اجراسي مقرر بولنش اولديني بيانيله اشبو قرارنامه تنظيم واعلان اولنور .

\*\*\*

اوچيوز يكرمي آلتى سنه سي نيسانك اونجى جمعه ايرتسي كيجه سي محمود پاشاده سلطان اوطة لرنده قوميسيونجى محمد عزت افنديك طقوز نومرولى دكانك قرق ايكي سانتيمترو ثخننده بولنان طواني دلك صورتيله بالدخول دروننده كي قاصه لرى قيره رق آتجه و تحويلات سرقت ايتدكلرندن طولاني مظنون عليه اولوب هيئت اتهاميه جه جنسايله اتهام اولنهرق حقنده اخذ وكرفت امرى ويرلش اولان مذكور سلطان اوطة لرنده اون بر نومرولى اوطة ده ترلكجيك ايدن وبوغاز ايچنده يكي كويده ارمني محله سنده سوريك قادينك خانه سنده اقامت ايلان اوزن بويلى ضعيفجه اسمر بكزلى وسياه بيقلى اوتوز اوچ ياشنده يوركي ايله سكر نومرولى اوطة ده ترلكجيك ايدوب جبايده قره غول ايله اجزاخانه آره سندن چكن زقاده ايچي محمدك خانه سنده بيتوت ايدن اوزون بويلى بياض آلاق چهره لى چاقر كوزلى سياه چاكت اكتسا ايدن قرق درت ياشنده قبله لى شعبان اليوم اثبات وجود ايمه مش اولديغندن اصول محاكات جزايله قانونك اوچيوز يتمش برنجى ماده سي موجبجه محكمه يه كللى ايچون اشبو تاريخدن اعتباراً جانب رياستدن مجدداً اون كون مهل ويرلشكه اشبو مدت طرفنده كلديكى حالده كندولرينه قانونه اطاعت ايمه مش نظريه باقيه رق محاكمه لرنيك غيابة بالرؤيه حقوق مدنيه دن اسقاط واموالى حيز اولنه جغنى وبو ائشاده بركونه دعوى اقامه سنه حقلرى اوله ميه جغنى وعليلرنده دعوايه قيام ايديله چكى كبي بولندقلرى محلى بيلنلرلر خبر ويرمكه وبالجمله ضابطه عدليه مأمورلرينك كندولرينى در دست ايتمه ك مجبور اولدقلرينى ميين اشبو قرارنامه اصول محاكات جزايله قانونك اوچيوز يتمش ايكنجى ماده سندن استنباط اولنان احكامه توفيقاً تنظيم ومعامله حيزيه حقنده تبليغات مقتضيه سنك اجرا وسائر معاملات ايضا اولمق ايچون نسخ كافيه سي مدعى عموميله توديع قلندينى اعلان اولنور .

\*\*\*

بولى سنجاغنه ملحق ارلكى قضاسنك قنديللى موقعنده معدنجى راغب پاشانك كمور اوجاغنده كره سون قضاسنك كشاب ناحيه سنك يدنجك قريه سندن قوباك اوغلى اسماعيله اوچيوز يكرمي بش سنه سي كانون ثاينسى طرفنده جبراً فعل شنيع اجراسيله عرضنه تجاوز ايلديكى ادعاسيله متهم اولوب عقيب وقعه ده فرار ايدرك اليوم وادى فرارده بولنان مذكور اوجاقى عمله سندن كيره سونك منازلوت قريه سندن ضبطيه خليل مخدومى ابراهيم اليوم در دست ايديله مامش اولديغندن اصول محاكات جزايله قانونك اوچيوز يتمش برنجى ماده سي موجبجه مرقومه تاريخ اعلاندن اعتباراً جانب رياستدن اون كون مهل ويرلش اولغله مدت مذكور طرفنده محكمه يه كلديكى تقديرده قانونه اطاعت ايتماش نظريه باقيه رق محاكمه غيابيه سي بالاجرا حقوق مدنيه دن

اسقاط واموالى حيز اولنه جغنى وبو باده بركونه دعوى اقامه سنه حقى اوله ميه جغنى وبولندينى محلى بيلنلرلر دخي خبر ويرمكه وبالجمله ضابطه عدليه مأمورلرينك كنديسى طومغه مجبور بولندقلرى بيانيله كيفيتك اعلانى مشر اولان اشبو قرارنامه مدعى عمومى معاونلكى مأموريت عليه سنه تقديم قلندى .

\*\*\*

بولى سنجاغنه ملحق دوزجه قضاسنك شباط بك قريه سندن باطه كريمه لرى فاطمه وچاقر ك اوچيوز يكرمي بش سنه سي حيز برانى طرفنده خانه وتوتون مغازلرينى ايلال وقصداً احراق ايلديكى ادعاسيله متهم اولوب عقيب وقعه ده فرار ايدرك اليوم وادى فرارده بولنان عن اصل ريزه لى اولوب مذكور شباط بك قريه سنده ساكن نعلبند اوغلى حبيب اوغلى على اوسته وديكر اوغللى اسماعيل ومقصود اليوم در دست ايديله مامش اولديغندن اصول محاكات جزايله قانونك اوچيوز يتمش برنجى ماده سي موجبجه مرقومونه تاريخ اعلاندن اعتباراً جانب رياستدن اون كون مهل ويرلش اولغله مدت مذكور طرفنده محكمه يه كلديكى تقديرده قانونه اطاعت ايتماش نظريه باقيه رق محاكمه غيابيه لرى بالاجرا حقوق مدنيه دن اسقاط وامواللرى حيز اولنه جغنى وبو باده بركونا دعوى اقامه سنه حقلرى اوله ميه جغنى وبولندينى محلى بيلنلرلر خبر ويرمكه وبالجمله ضابطه عدليه مأمورلرينك كندولرينى طومغه مجبور بولندقلرى بيانيله كيفيتك اعلانى مشر اولان اشبو قرارنامه مدعى عمومى معاونلكى مأموريت عليه سنه تقديم قلندى .

\*\*\*

الاجه حمامده ٦٩ نومرولى يازيخانه ده مقيم ئى قلايجى اوغلى وئە ياغجى اوغلنك بك اوغلنده تقسيمده صره سرويده (١٢٢) نومرولى خانه نك برنجى اپارتمانده بر نومروده مقيم ايكن اليوم اقامتكاى مجهول بولنان دوكتور جورجى انقرياديس عايهنده اقامه ايلديكى الاجق دعواسنك در سعادت ايكنجى تجارت محكمه سنجه جريان ايدن محاكمه سي نتيجه سنده مدعايه يوز يكرمي التى بحق ايرا ايله بيك در تيوز يكرمي غروش مجديه ايقه نك مومى اليه دن تحصيل حكمنى متضمن ٣١ مايس ٣٢١ تاريخيله صادر اولان اعلام غيابنك صورت مصدقه سي مدعى عليه مومى اليه ك اقامتكاى نك مجهول ايتدن ناشى اصول محاكمه حقوقيه قانونك يكرمي التى مامه سي موجبجه محكمه ديوانخانه سنه تعليق قلندينى كبي تبليغ مقامه قائم اولمق اوزره ماده مذكورده نك فقره اخيره سي موجبجه اوراق حوادثله ده اعلان كيفيته ابتدار قلندى .

\*\*\*

تجار دن صوتيرا كى د . حاجو پولو نامه وكيل عموميسى غلطه ده خويار خاننده اوتوز التى نومرولى يازيخانه ده مقيم مقاريوس اوغلى خرملبوس افنديك قطارجيلرده بيوك يكي خانه اون نومرولى تجارتخانه ده مقيم ايقه شهرلى محمد عارف وشريك تجارتى حاجى احمد زاده على حيدر افندى عليلر بيه تجارت بحريه محكمه سنده اقامه ايلديكى اوتوز عثمانلى ليراسى اوچ چنت الاجق و افلاس دعواسى اوزرينه مدعى عليهمان على حيدر بلك اقامتكاى عد اولنان مذكور قطارجيلرده بيوك يكي خانه اون نومرولى تجارتخانه يه بو باده كى



دعوتیه ورقه سی مباشر واسطه سیله ارسال ایدلمش ایسه ده تجارتکاهی محل آخره نقل ایلش و بنساء علیه اقامتکاهی مجهول بولنش اولدینی مشروحات واقعه دن اکلشلمسینه و یوم محاکمه دخی حزرانک اون ایکنجی جمعه ایرتسی کونی ساعت النیه تعیین ایدلمسینه بناءً اصول محاکمه حقوقیه قانوننک یکرمی انتجی ماده سنک فقره اخیره سی موجبجه لاجل الحاکمه یوم مذکورده بالذات محکمه ده حاضر بولنسی ویا مصدق سنده بر وکیل کوندرسی لازم کله جکی و شاید کلز و وکیل دخی کوندرمزسه غیاباً رؤیت دعوی اولنه جنی معلوم اولق اوزره تنظیم اولنان دعوتیه ورقه سی علی الاصول محکمه دیوانخانه سنه تعلیق قلندینی کبی اوراق حوادث واسطه سیله اعلانه ابتدار اولنور .

\*\*\*

اقسرایده والده جامعشریفی جوارنده مقیم تجارندن علی بک زاده محمد بکک ۱ حزران سنه ۳۲۶ تاریخندن اعتباراً اعلان افلاسنه و مصالح افلاسیه سنک رؤیت و تسویه سی ضمننده اعضای محکمه دن لطفی بک ژورقومیسر و دعوی وکیلارندن یادکار اوغلی پاولاکی افندی موقت سنديک تعیینلرینه و مغازده سیله دپولرنده کی اموال تجاریه و اشیا زائده بیتیه سنک تمهیرینه و اوراق و دفاترینک جلبنه و کفالت مصدقه اراهه ایده مدیکی تقدیرده حبس و توقیفنه و بوبابده کی قرارک موقهً اجراسنه تجارت بحریه محکمه سنندن قرار ویرلش اولدینندن قانوننامه تجارتک یوز یتشجی ماده سی موجبجه دائمی سنديک لری انتخاب اولنق اوزره اصحاب مطلوبک اشو بیک اوچیوز یکرمی الی سنه سی حزرانک اون آلتنجی چهارشنبه کونی ساعت اوچ راده لرنده محکمه نک افلاس معاملاتنه مخصوص اوطه سنه کلری لزومی اعلان اولنور .

\*\*\*

فانرده خاه سنده اقامت و در سعادته جدید خاننده نومروسز اوطه ده و سینوبده اجرای تجارت ایتمکده ایکن تجارت بحریه محکمه سنندن افلاسنه حکم اولنش اولان دیمتر کی قالینقوسک خصوصات افلاسیه سنک رؤیت و تسویه سی ضمننده دعوی وکیلارندن حیدر بکه میخالا کی نیقولائییدی افندی اصالةً سنديک تعیین قلنمش اولدقلرندن مفلس مزقوم ذمتنده آله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلانندن اعتباراً اوتوز برکون ظرفنده سنداتی محکمه کاتبه تسلیم ایللری و مدت مذکوره ختامندن صکره اوچ کونده یعنی اشو اوچیوز یکرمی الی سنه سی تموزک اوچنجی جمعه ایرتسی، دردننجی بازار، بشنجی بازار ایرتسی کونلرنده تجارت بحریه محکمه سنک افلاس اوطه سنه کله رک سنديک افندیلر مواجهه سنده آله جقلرینی اثبات وقید و تصدیق ایتدیرملری و مدت مذکوره ده اثبات وجود ایددمیان آله جقلولر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور .

\*\*\*

حاجی خانمه محکمه تجارت بحریه اعلامیه محکوم به دینی اولان یکرمی لیرانک مع قاض و مصارف محاکمه تأمین تسویه سیچون ملازاده حاجی مصطفی قبودانک بکقوزده یالی قریه سنده و جاده سنده مکرر اون بش

نومرو ایله مرقم علی التخمین اوچیوز الی زراع محلتک یوز التمش زراع محلی اخشاب اوله رق مینی الی اوطه وایکی صفه لی و برطرارچه و بر مطبخ و بر صهرنج و تحتنده بر باب دکان و یوز طقسان زراع مقداری اشجار شمردنی حاوی بفعجه نی مشتمل و سنوی اون بش لیرا ایجاره متحمل توسیع انتقالی بر باب خانه ده بلا ولد وفات ایدن مخدومی الیاس افندیدن حسب الوراثه انتقال ایدن سکز حصه ده اوچ حصه نک فروختی تحت قراره التمش اولمغله بر موجب قرار حصه مذکوره تاریخ اعلانندن اعتباراً اون بش کون صکره موقع مزایده یه وضع ایدله جکندن اشتراسنه طالب اولنلرک ودها زیاده معلومات المق استیانتلرک محکمه تجارت اجرا دثره سنه مراجعت ایللری محکمه تجارت اجرا دثره سنندن اعلان اولنور .

\*\*\*

غلطه ده موخانه ده مقیم ارمناک منغاساریان طرفندن بک اوغلنده تقسیمده صرهمسرویلرده ۱۲۲ نومرو لی خانک برنجی اپارتماننده مقیم اراهه فابریقه جیلنی و اراهه تجارتلریله مشتمل موسیو ژورژ انقریادیسی علیهنده در سعادت ایکنجی تجارت محکمه سنجه جریان ایدن محاکمه و تدقیقات نتیجه سنده ۲۱ جمادی الاول سنه ۳۲۸ تاریخیه محکمه دن صادر اولان اعلام غیابی صورت مصدقه سی مدعی مومی الیه طرفندن اولبابده اعطا اولنان عرضخاله بیان اولندینی وجهله مدعی علیه ک اقامتکاهنک الیوم مجهولیتندن ناشی اصول محاکمه حقوقیه قانوننک ۲۶ نجی ماده سی موجبجه محکمه دیوانخانه سنه تعلیق ایدلیدی کبی ماده مذکوره حکمنه توفیقاً تبلیغ عد ایدلمک اوزره اوراق حوادثله دخی اعلان کیفیت اولنور .

\*\*\*

بکقوزده اتمکچی کیقورق اغانک برقطعه اعلام موجبجه اق باباقریه سننده متوفیه راسمه خانم ذمتنده از غیر تسلیات اله جنی اولان مبالغ معلومه نک تأمین استیفا سی ضمننده متوفیه مومی الیهانک عهدۀ تصرفنده ایکن تحت حجزه الیرلش اولان و اخیراً بوبابده اعلامک برر قطعه صورتلری علی الاصول ورثیه تبلیغ ایدلیدی حالده برکونا اعتراض در میان ایدلماسنندن ناشی فروختی داین مرقوم کیقورق اغانا طرفندن بیان قلنان و ورثیه انتقالی لازمکلان اق بابا قریه سننده بکقوز جاده سننده سکز طقوز واون نومرولر ایله مرقم اوچ قطعه چالیلده اولان حصه لری تاریخ اعلانندن اعتباراً اون بش کون صکره بالمزایده فروخته تشبث اولنه جنی بکقوز اجرا دثره سنندن اعلان اولنور .

\*\*\*

غلطه ده پنچشنبه بازارنده جامع جدید جوارنده شکرچی و ذخیره تجارتیه مشتمل امانوئیلیدی برادرلرک ۳ حزران سنه ۳۲۹ تاریخندن اعتباراً اعلان افلاسنه و مصالح افلاسیه سنک رؤیت و تسویه سی ضمننده اعضای محکمه دن بدروس قره دیان افندیکن ژورژ قومیسر و دعوی وکیلارندن یوانا کی پتریدیس افندیکن موقت سنديک تعیینلرینه و مغازده سیله دپولرنده کی اموال تجاریه و اشیا زائده بیتیه سنک تمهیرینه و اوراق و دفاترینک جلبنه



و كفالت مصدقه ارانه ايدمهديكي تقديرده حبس و توقيفنه و بو باده كي قرارك موقه اجراسنه تجارت بحريه  
محكمه سندن قرار و يرانش اولديغندن قانوننامه تجارتك يوز يتشنجي ماده سي موجبجه دائمي سنديكلي  
اتخاب اولنق اوزره اصحاب مطلوبك اشو بيك اوچيوز يكرمي آتي سنه سي حزينانك اون يدنجي پنجشنبه  
كوني ساعت ٤ راده لرنده محكمه نك افلاس معاملاتنه مخصوص اوطه سنه كلري لزومي اعلان اولنور .

\*\*\*

فرانسه ده رمس شهرنده مقيم فابريقه طور موسيو آمورو ملات و شركاسنك اقامتگاه و تجارتخانه سي مجهول  
بولنان تبعه دولت عليه دن قوميسيونجي ب ، خريستيديس عليه نه بو كره برنجي محكمه تجارتده اقامه ايلديكي  
دعوى اوچ يوز يكرمي آتي سنه روميه سي حزينانك يكرمي برنجي بازار ايرتسي كوني رؤيت ايديله جكندن  
مومى اليه ب ، خريستيديس افنديك يوم مذ كورده ساعت آلتى ده محكمه مزبورده يا بالذات حاضر بولمسي  
ويا طرفندن مصدق سنده بر وكيل كوندرمى لازم كله چكي و شايد كلز ويا طرفندن بر وكيل دخي كوندرمى  
ايسه مدعينك وقوعبوله جق طاي اوزرينه عن الغياب رؤيت دعوايه ايتدار قلنه جني معلوم اولنق اوزره تنظيم  
قانسان دعوتيه ورقه سي اصول محاكمه تجارت نظامنامه سنك يكرمنجي ماده سنك دردنجي فقره سنه توفيقاً  
على الاصول محكمه ديوانخانه سنه تعليق قلنديني كبي اوراق حوادث واسطه سييله دخي اعلان اولنور .

\*\*\*

بكقوزده ساكن چيقرقجي محمد افنديك دره سكي قريه سي امامي عزيز افندي عاينه بكقوز بدایت  
محكمه سي حقوق قسمنده اقامه ايلش اولديني مشتركاً متصرف اولدقلى بغچه ده جويز آغاجي محصولاتندن  
حصه سندن مصارف محاكمه و سائر دن طولاي جمعاً آلاجنى اولان بيك اوچيوز آلتش غروشك تأمين  
استيفاسي ضمننده في ٣ مارت سنه ٣٣٦ تاريخنده تحت حظه آلديرمش اولان ويكديكريله مشترك بولنان  
مذكور دره سكي قريه سنده قردقولاق جاده سنده اون بش و اون يدي نومرولى بيك بشيوز ويديوالى  
غروش قيمتلى ايكي باب خانه ده كي مومى اليه عزيز افنديك نصف حصه لري تاريخ اعلاندن اعتباراً اون  
بش كون صكره مزايده سنه تشبث اولنه جني بكقوز اجرا دائره سندن اعلان اولنور .

\*\*\*

باندرمه نك چنارلى محله سندن فرونجي جعفر شريكى بقال حسن بن احمدك معلوم المقدار آله جفنگك تأمين  
استيفاسي امرنده چنارلى محله سندن قوندره جي رجب اوغلى حسنك حجز اولنش اولان باندرمه قصبه سي  
جوارنده ويدين آلاغاي نام موقعه كائن طرفلري طاش اوليلي حسن و وارنلى صادق اغا و كوچك حاجي  
واحد اوغلى دوريش باغلى ايله محدود تخميناً ايكي اولك مقدارنده بر قطعه باغك تاريخ اعلاندن اون بش  
كون صكره فروخته تشبث اولنه جني جهته طالب اولانلرك مراجعت ايللري لزومي باندرمه اجرا دائره سندن  
اعلان اولنور .

اورته كويده نوبر اقتصاد بقاليه شركتي مدير مسئولى ويكي كويده مقيم مجلس مبعوثان لوقطه جيسى ايكن  
تجارت بحريه محكمه سندن افلاسنه حكم اولنش اولان قبودان زاده محمود بكك خصوصات افلاسيه سنك  
رؤيت و تسويه سي ضمننده يوردانا كي يوسفيديس افندي اصالة سنديك تعيين قلنش اولديغندن مفلس  
مرفوم ذمتده آله جني اولنلرك قانوننامه تجارتك ١٩٩ و ٢٠٠ نجى ماده لري موجبجه تحقيق ديون ايچون  
تاريخ اعلاندن اعتباراً يكرمي بركون طرفنده سنداتي محكمه كاتبه تسليم ايللري ومدت مذ كوره ختامندن  
صكره اوچ كونده يعنى حزينانك يكرمي التنجي جمعه ايرتسي ويكرمي سكرزنجي بازار ويكرمي طقوزنجي  
صالى كونلرنده تجارت بحريه محكمه سنك افلاس اوطه سنه كله رك سنديك افنديلر مواجهه سنده آله جقلى  
اثبات وقيد و تصديق ايتديرملري ومدت مذ كورده اثبات وجود ايدمه يان آله جقلى حقتده قانون مذ كورك  
٢١٠ نجى ماده سنه توفيقاً معامله اولنه جني اعلان اولنور .

\*\*\*

١ حزينان سنه ٣٣٦ تاريخنده تجارت بحريه محكمه سندن غياياف افلاسنه قرار و يريلان على بك  
زاده محمد بكك وقوعبولان استدعاسي اوزرينه جريان ايدن محاكمه نتيجه سنده مومى اليه ك حال افلاسنه  
اولديني اكلاشلمش ايدوكندن ٣ حزينان سنه ٣٣٦ تاريخنده حكم افلاسنك رفعنه قرار و يرلديكي اعلان  
اولنور .

\*\*\*

استپان تلليانك سابق جلبلر كتخداسي باش وكيلى عثمان بك ذمتده ايكنجي محكمه تجارت اعلاميله  
محكوم به اولان الاجفنگك تسويه سيچون ادرنه قپوسى خارچنده امير بخارى محله سنده بكاربكي چشمه سنده  
واقع و دروننده مع اوطه برباب قبودخانه و صنداليه ده بوسنى واشجار غير مشمره و قريه و چارداق و كبير برحوضي  
مشمئل و اطراف اربعه سي ديوار و چيت ايله محاط معلوم الحدود و على التخمين اتى بيك يديووز ذراع ويكديكرى  
غازينوسى ناميله بنام غازينو ايله اتصائنده كائن و مكرر درت نومرو ايله مرقم و على التخمين اوچ بيك بشيوز  
آرشون مقدما آخور واليوم يونجه ترلاسنده مديون مومى اليه ك متصرف اولديني نصف حصه لري تاريخ  
اعلاندن اون بش كون صكره موقعه مزايده وضع اولنه جفنگدن اشتراسنه طالب اولنلرك و ده زايده معلومات  
المق ايستيانلرك محكمه تجارت اجرا دائره سنه مراجعت ايللري دائره مذ كورده دن اعلان اولنور .

\*\*\*

قارنيك سروپيان افنديك لئون شمع دانچيان افندي ذمتده برنجي محكمه تجارت اعلاميله محكوم به  
مطلوبى اولان مبالغك تأمين استيفاسي ضمننده محجوز اولوب فروختي تحت قراره النش اولان اسكدارده  
باغلباشي جوارنده و اتقنين باغي جهته قهرستان زقاغنده جفتلك غازينوسى قارشوسنده كائن برنومرولى برقطعه  
عرصه ده مديون مومى اليه ك متصرف اولديني سبع حصه شابعه سي اشو حزينان رومينك اوچنجي پنجشنبه



کوندن اعتباراً اون بش کون صکره موقع مزایده قونیه جغندن اشتراسته طالب اولانلرک ودها زیاده معلومات المق استیانلرک محکمه تجارت اجرا دائره سته مراجعت ایللری لزومی اعلان اولنور .

\*\*\*

عوادیس لوله جیانک موقوسیان قومپانیه سی ذمتده ایکنجی محکمه تجارت اعلامیه محکوم به مطلوبی اولان اوچیوز اللی لیرانک مع گذشته ومصارف محاکمه واجرائیه تأمین استیفاسی ایچون مدیون مرقومک تحت تصرفنده اولوب محجوز وفروختی مقرر بولنان چاقاقیلر یقوشنده چینلی خاننده ایکنجی قانده کائن بروایکی نومرولرله مرقم شهری یوزیکرمی غروش ایجار کتورر ایکی باب اوطه اشو حزیران رومینک طقوزندن اعتباراً اون بش کون صکره موقع مزایده وضع اولنه جغندن اشتراسته طالب اولنلرک ودها زیاده معلومات المق استیانلرک محکمه تجارت اجرا دائره سته مراجعت ایللری دائره مذکوره دن اعلان اولنور .

\*\*\*

علی افندی ابن شریفک احباب خیراتدن کوتاهیه وی زاده مرحوم محمد عارف افندی ایله پروستو قادیان افندی حضر تلیرنک نقود موقوفه سته دینی بولنان مبالغ معلومه یه مقابل عهده سنده اولوب مرهون وبا اعلام شرعی فروختی محکوم بولنان قرتال قضاسنده صوغانلق جاده سنده واقع یکریمی اوچ نومرو ایله مرقم صرف ملک مع اوطه ایکی باب دکانک اشوناریخ اعلاندن اعتباراً اون بش کون صکره بانزایده فروخته تشبث اولنه جغندن پی سورمک ودها زیاده معلومات المق استیانلرک مدت مذکوره ختامندن صکره درسعادت اعلامات شرعیه اجرا دائره سته مراجعت ایللری اعلان اولنور .

\*\*\*

تاجر وصراف محمد رضا افندیکنک مستأجر کبار اغایه اولان کفالتندن ومستأجرک تعینندن ناشی کفاله عدم مسؤلیته دائر غازی حسن پاشا وقفی متولیسلی علیه اقامه ایلدیکی دعوانک جریان ایدن محاکمه سی نتیجه سنده طلب واقع برکونا ادعائی تضمن ایدر دعوی انواعندن بولندیغندن مذکور تویات قومیسسیونه معارضه دن فعیله استدعاسنک ردینه بک اوغلی برنجی حقوق محکمه سندن صادر اولان ۱۳ کانون ثانی سنه ۱۳۲۵ تاریخلی و ۳۱۲ عددلی اعلام وجاهینک صورت مصدقه سی مدعی علیه محمد رضا افندی یه کوندلرلمشده اقامتکاهی مجهول اولدینی کی وکیل علی رضا افندیکنک وکالتده تبلیغ وتبلغه مآذونیتی اولمادینی خدمه سی احمد افندی طرفندن اولماده کی علم وخبر زیرینه ویریلان شرحدن اکلاشلیمسینه بناء وقف مشارالیه وکیلنک طلیله مارالذکر اعلامک صورت مصدقه سی اصول محاکمه حقوقیه کنک یکریمی انتجی ماده سی حکمنه توفیقاً تبایغ عداولمق اوزره محکمه دیوانخانه سته تعایق اولندیکی کی اوراق حوادثله دخی اعلان کیفیته ابتدار قلندی .

\*\*\*

غازی حسن پاشا وقفی متولی قائمقامی وکیل عمومیه سی غلطه ده عابد خاننده ۱۷ نومرولی اوطه ده مقیم مسعود افندیکنک واقف مشارالیه مسقناتندن قاسم پاشاده مکتب زقاغنده سکیز اوطه وقهوه خانیه

مشمئل خانک مستأجری کبار آغا کفیلی قاسم پاشاده ترسانه جاده سنده ۳۱ نومرولو دوکانده ساکن ایکنک تعیب ایدن صراف محمد رضا افندیکنک متراکم سکیز یوز یکریمی غروش بدل اجاره کنک مع مصارف محاکمه تحصیل حقیقه اقامه ایلدیکی دعوانک اعلاناً واقع اولان تبلیغات اوزرینه اجابت ایتیان مدعی علیه بر موجب طلب غیابنده اجرا قلنان محاکمه سنده تبایغ مذکورک حسب الکفاله کندوسندن تحصیلنه حکمی حاوی محکمه دن استحصال ایلدیکی ۱۹ نیسان سنه ۱۳۲۶ تاریخلی و ۴۰۵ عددلی اعلام غیابینک صورت مصدقه سی اصول محاکمه حقوقیه قانونک یکریمی انتجی ماده سنک فقره اخیریه سی حکمنه توفیقاً تبلیغ عداولمق اوزره محکمه دیوانخانه سته تعلیق اولندیکی کی اوراق حوادثله ده اعلان کیفیته ابتدار قلندی .

\*\*\*

کراسته جیلرده مغازه لرنده مقیمان میخالاک خراجچی اوغلی وشراکسنک قومقبوده کوزکچی باشی سلیمان اغا محله سنده عرب زاده سوقاغنده اون واون ایکی نومرولو خانه لرده مقیم تجار یازیحیدی دانیل لغتر اوغلی علیه نه اوله رق درسعادت ایکنجی تجارت محکمه سنده با سند اقامه ایلدیکی آلاحق دعواسندن طولانی تنظیم قلنان ورقه دعوتیه زیرینه محل مزبورده او نامده برکیمسه اولمادینی کدک پاشاده ایا کیریای کی کایسای روم مختارانی طرفندن یازیلان شرحدن اکلاشلیمش ومدعی وکیل مرقومک اقامتکاهی مجهول بولندیغندن کیفیتک اوراق حوادثله اعلانی صورتیه تبلیغات مقتضیه کنک اجرایی طلبنده بولمش وطلب واقع اصول محاکمه حقوقیه قانون موقتک یکریمی انتجی ماده سنک فقره اخیریه سی احکامنه موافق کورنمش اولمسنه مبنی تبلیغات مقتضیه کنک اول صورتله لزوم اجراسنه محکمه جه قرار ویرلش اولمغله یوم محاکمه اوله رق تعیین ایدیلان اوچیوز یکریمی اتی سنه سی شهر تموزک اون یدنجی جمعه ایرتسی کونی ساعت آلتی راده لرنده مرقوم دانیل لغتر اوغلنک بالذات محکمه ده اثبات وجود ایتدیکی ویاخود طرفندن مصدق وکالتنامه ایله بر وکیل کوندردمیدی حالده مدعینک طلیله حقیقه معامله غیایه اجرا قلنه جغنی معلوم اولمق اوزره اولماده کی دعوتیه ورقه سی واستدعانامه صورتی محکمه دیوانخانه سته تعایق ایلدیکی کی غزته لرله دخی کیفیتک اعلاننه ابتدار قلندی .

\*\*\*

تجارندن خونچوپولوسک ارکینک رومیان محله سندن حاجی یانی اوغلی قسطنطی ذمتده بااعلام محکوم به مبالغ معلومه کنک تأمین استیفاسیچون مرقوم قسطنطینک مقدما تحت حجزه النان ارکلی چارشوسنده کائن معلوم الحدود بر باب ملک کارکیر دکانده استیمک ایکسیوز سکسان سهم اعتباریه سکیز یوز قرق سهم عرصه سی بیک سکیز یوز غروشده طالبی عهده سنده تقرر ایدرک موقت قرار داده سی کشیده نلندیغندن یوزده بش ضمه له طالب اولنلرک ارکلی اجرا دائره سیله منادیسی علی اغایه مراجعت ایللری اعلان اولنور .

\*\*\*

غلطه ده عزب قیوسی جاده سنده ساکن ایکنک تجارت بحریه محکمه سندن افلاسنه حکم اولمش اولان



رفائل مشاق افنديك خصوصات افلاسيه سنك رؤيت وتسويه بي ضمننده دعوى وكيللرندن اورام ناغوم افندي  
اضالة سنديك تعيين قلمش اولديغندن مفاس مرقوم ذمتنده آله جني اولنلرك قانوننامه تجارتيك ۱۹۹ و ۲۰۰ نجى  
ماده لرى موجبجه تحقيق ديون ايچون تاريخ اعلانندن اعتباراً يكرمى بركون ظرفنده سندتاني محكمه كاتبنه  
تسليم ايللرى ومدت مذكوره ختامندن صكره اوچ كونده يعنى حزينانك يكرمى طقوزنجى صالى و او توزنجى  
چهارشنبه و تموزك برنجى پنجشنبه كونلرنده ساعت التيده تجارتي بحريه محكمه سنك افلاس او طه سنه كلهرك  
سنديك افنديلر مواجهه سنده آله جقلىرى اثبات وقيد و تصديق ايتديرملرى ومدت مذكوره ده اثبات وجود  
ايدمىان آله جقلىر حقنده قانون مذكورك ۲۱۰ نجى ماده سنه توفيقاً معامله اولنه جنى اعلان اولنور .

\*  
\*  
\*

بك اوغلنده غلطه سراى قارشوسنده سويس اوتلنده مقيم مفاس خرستو پاپادوپولونك تحقيق ديون معاملاتنه  
ابتدار اولنه جغندن مرقوم ذمتنده الاجنى اولانلرك اوراق مثبتلرينى حامل اولدقلىر حالده شهر حال رومينك  
يكرمى سكرنجى بازار ايرتسي يكرمى طقوزنجى صالى و او توزنجى چهارشنبه كونلرى ساعت التيدن طقوزه قدر  
تجارت بحريه محكمه سنك مصالح افلاسيه او طه سنه بالذات و بابالوكاله مراجعت ايدرك آله جقلىرى تحقيق ديون  
دفترينه قيد ايتديرملرى لازم كله جكي و ايام مذكوره ظرفنده مراجعت ايتيانلر حقنده تجارتي قانونك ۲۱۰ نجى  
ماده سى احكامنك موقع اجرايه قونيله جنى اعلان اولنور .

\*  
\*  
\*

مدعى محمد منير پاشانك مقدما صامسون مفرزة نظاميه بلوكى قوماندانى ايكن غيوبت ايدوب اليوم  
اقامتكاهى مجهول بولنان يوز باشى احمد ذا كرافندى عليه برأس عرب آتايله مع تفرعات برعد فاطونك  
موجود ايسه عينا و مستهلك اولديني حالده قيمتلىر اولان يوز يكرمى بش عدد ليراي عثمانيك تحصيلي حقنده  
در سعادت بدایت محكمه سى ايكننجى حقوق دائر سندن استحصال ايلديكي في ۱۶ شباط سنه ۳۲۵ تاريخ ويايكي  
يوز يتمش اوچ عددلى اعلام غياييك بر قطعه صورت مصدقه سى محكوم عليه مومى اليه احمد ذا كرافنديك اقامتكاهى  
مجهول اولديني جهته اصول محاكمه حتمويه قانونك يوز قرق طقوزنجى ماده سى موجبجه محكمه ديوانخانه سنه  
تعليق قلندينى كى كيفيتك غزتهلر ايله ده اعلاننه ابتدار اولنور .

## روح المجله

اسبق موصل واليسى حاجى رشيد پاشا حضرتلرينك اثرى اولوب مجله احكام عدليه نك حاوى اولديني  
موادك كافه سنك علل و اسباب شرعيه و منطقيه سى و مواد مزبور نك يكدىكرى بيننده و احكام اساسيه  
قوانين اراسنده اولان فروق و مناسبات بيان و ايضاح اولنديغندن شاين مطالعه در . سكر جلدى ۴۰ غروشه  
مجله ي مطالعه ايدنلر علم فقهك واضعنى بيلمك ايجاب ايدمى جكندن ( حضرت امام اعظمك سياسى ترجمه  
حالى ) مشار اليه طرفندن بانه تحرير طبع و نشر اولنشد . ۱ فيآنى ۱ غروش